

Xon⁴xi³ pa²stro⁴Pablo qui³squi³-le⁴cho⁴ta⁴romanos

Pablo si¹ti²nta³

¹ An³ nia¹³ Pablo, xi³ cho^{4?}nta³-le⁴ Jesucristo.
 Qui³no²cjoa⁴-na³ nca³ pa²stro⁴ coan³, c²oa⁴
 qui³n²o²sje³xin²-na³ xi³ t²a³ts²e⁴je² en¹nta³-le⁴Ni³na¹
² xi³ to⁴nqui³-ni³ Ni³na¹ qui³tsjoa³ ts²oa³ nca³
 tsjoa¹. Ya⁴ tji¹t²a³ xon⁴ Escrituras xi³ tsje³, je² xi³
 qui³squi³ cho⁴ta⁴ xi³ qui³nchja⁴ya³ t²a³ts²e⁴ Ni³na¹.

³ Je² en¹nta³-vi⁴ xi³ nchja⁴-ni³ Jesucristo Nai³-na¹
 xi³ nti¹-le⁴ Ni³na¹, xi³ ji³nčhoa³-ni³ ntje⁴-le⁴ David
 jo³ cjoan³ yao³-le⁴.

⁴ Je² xi³ cao⁴ nca³n²ion¹ tsa^{3?}ya³son²tsen³-le⁴ nca³
 nti¹-le⁴ Ni³na¹ ni¹, jo³ cjoan³ Espíritutsje³-le⁴, nca³
 ja^{3?}a²ya³-ni³le⁴ nca³ c²en³.

⁵ Xi³ to⁴t²a³ts²e⁴ Cristo qui³scoe²³ cjoa⁴nta³ cao⁴
 xa¹-le⁴ pa²stro⁴, jme¹-ni³ nca³ nca³ts²i³ cho⁴ta⁴ xi³
 li² judío-jin² coi⁴tjo³son²-si¹ni³le⁴ nca³ coan⁴cjain¹-
 le⁴ t²a³ts²e⁴ jan^{3?}ain¹-le⁴ Cristo.

⁶ C²oa⁴²-ti⁴ coi³ nio¹³ nca³ jon² xi³ c²oa⁴-s²in²
 qui³no²cjoa⁴-no³ t²a³ts²e⁴ Jesucristo.

⁷ Ti²cji³-no³ nca³ts²io³ xi³ ti³yo³ ya⁴ Roma, xi³
 tsjoa³que³-no³ Ni³na¹, xi³ qui³no²cjoa⁴-no³ nca³
 cho⁴ta⁴-le⁴ Cristo coaon⁴³, Ni³na¹ N²ai³-na¹ cao⁴
 Nai³-na¹ Jesucristo ca²ta³tsjoa¹-no³ cjoa⁴nta³,
 ca²ta³si¹qui³njen³nch'an¹jin³ ni⁴ma⁴-no³.

Pablo me³-le⁴ nca³ coai⁴ya⁴ Roma

8 Ti¹tjon², xi³ to⁴t⁷a³ts⁷e⁴ Jesucristo tsjoa³-le⁴ cjoa⁴nta³ Ni³na¹-na⁴ xi³ t⁷a³tsaon⁴³ nca³ts⁷io³ nca³ nca³qui³jnta² son³nte³ no²cjoa⁴ya³-ni³ nca³ ma³cjain¹-no³.

9 Testigo-na⁴ ma³-ni³ Ni³na¹, xi³ an³ si³xa¹³-le⁴ cao⁴ ni⁴ma⁴-na⁴, nca³ nchja²ya³ je² en¹nta³ xi³ t⁷a³ts⁷e⁴⁷nti¹-le⁴, nca³fa³ai³tsjen³-na³ nca³ntsjai²xi³ t⁷a³tsaon⁴³ c⁷ia⁴ nca³v⁷e³ts⁷oa²³.

10 Ti²si³je¹³-nia¹³ tsa² coi⁴cho³-na³ ni⁴čhjin³ tsa² Ni³na¹ c⁷oa⁴-s⁷in² me³-le⁴ nca³ c⁷oa⁴coan⁴-na³ nca³ cjo¹con³-no³ nca³jon²to⁴jo³-s⁷in²ni³.

11 Cjai¹nca³ me³-na³ nca³scoe³-no³, jme¹-ni³ nca³ tsjoa³-si¹ni³no³ jnco³ cjoa⁴tjao² xi³ ts⁷e⁴ Espíritu Santo, c⁷oa⁴ jme¹-ni³ nca³ s⁷e⁴-si¹ni³no³ nca³n⁷ion¹.

12 Coi³ xi³ tso²-le⁴ nca³ to⁴jnco³ si⁴je³ta³coan³² xi²nquia⁴² cao⁴ jo³-s⁷in² ma³cjain¹-na¹ cao⁴ jon² cao⁴ an³.

13 To⁴nca³ me³-na³, nts⁷e³, nca³ jchao⁴³ nca³ ncjin² c⁷a³ tsa³ca²te⁴jna³nta³ nca³ cjo¹con³-no³ (to⁴nca³ sa³nta³ nt⁷ai⁴-vi⁴ ti¹s⁷e³chjoa²-na³), jme¹-ni³ nca³ c⁷oa⁴-ti⁴ tjin¹ xi³ si³qui³njen³jin³-si¹ni³no³, jo³-s⁷in² nca³ qui³si³qui³njen³jin³-le⁴ xi³c⁷a³ cho⁴ta⁴ xi³li²judío-jin².

14 An³ qui³tjen⁴-na³ xi³ t⁷a³ts⁷e⁴ cho⁴ta⁴ griego c⁷oa⁴ xi³ t⁷a³ts⁷e⁴ cho⁴ta⁴cja⁴ai¹, xi³ t⁷a³ts⁷e⁴ cho⁴ta⁴chji⁴ne⁴, c⁷oa⁴ xi³ t⁷a³ts⁷e⁴ xi³ tsi² tsa² chji⁴ne⁴.

15 C⁷oa⁴-s⁷in² ti²jna⁴nta³ nca³ an³, nca³ c⁷oa⁴-ti⁴ coi³nchja²ya³jin³-no³ je² en¹nta³ xi³ t⁷a³ts⁷e⁴ Cristo, jon² xi³ti³yo³ ya⁴ Roma.

Je²en¹nta³xi³t⁷a³ts⁷e⁴Cristoco³xi³nca³n⁷ion¹-le⁴

Ni³na¹

¹⁶ Nca⁴ li²coi³ ma³soa³-na³ xi³ t²a³ts²e⁴ je² en¹nta³ xi³ t²a³ts²e⁴ Cristo, nca⁴ coi³ xi³ nca³n²ion¹-le⁴ Ni³na¹, xi³ v²a³sje³ntjai² nca³ts²i³ xi³ ma³cjain¹-le⁴, ti¹tjon² cho⁴ta⁴ judío c²oa⁴-ti⁴ cho⁴ta⁴ griego.

¹⁷ Je² en¹nta³ xi³ va³co¹son²tsen³ cjoa⁴qui²xi⁴-le⁴ Ni³na¹ xi³ t²a³ts²e⁴ xi³ ma³cjain¹-le⁴ cho⁴ta⁴ nca³ ma³cjain¹-sa³le⁴, jo³-s²in² tji¹t²a³: Je² xi³ cho⁴ta⁴cjoa⁴qui²xi⁴ c²oe¹jna³con³ xi³ to⁴t²a³ts²e⁴ nca³ ma³cjain¹-le⁴.

Cho⁴ta⁴son³nte³ ña³qui³ tjin¹-le⁴je¹

¹⁸ Ti¹jna³son²tsen³ je² cjoa⁴jti³-le⁴ Ni³na¹ xi³ nchoa¹-ni³ nc²a³jmi³ co²ntran⁴-le⁴ nca³yi³je³ xi³ tsi² ve³xcon¹ Ni³na¹ cao⁴ xi³ tsi² cjoa⁴qui²xi⁴ xi³ s²in¹, cho⁴ta⁴ xi³ v²e¹chjoa²-le⁴ xi³ cjoa⁴qui²xi⁴ to⁴t²a³ts²e⁴ xi³ tsi² cjoa⁴qui²xi⁴.

¹⁹ Je² cjoa⁴ xi³ ya³-le⁴ xi³ t²a³ts²e⁴ Ni³na¹ tji¹son²tsen³-le⁴ cho⁴ta⁴-ve⁴, nca⁴ Ni³na¹ tsa³c²e¹jna³son²tsen³-le⁴.

²⁰ Je² cjoa⁴ xi³ tsi²coi³ ma³tsen³ xi³ ts²e⁴ Ni³na¹, xi³ coi³ nca³n²ion¹-le⁴ xi³ tji¹jna³ntsjai², c²oa⁴ xi³ coi³ jo³ cjoan³ Ni³na¹, coan³tsen³ sa³nta³ nca³ qui³s²e³nta³ son³nte³. Je² cjoa⁴-vi⁴ tsa³ya³-le⁴ to⁴t²a³ts²e⁴ tso³jmi² xi³ qui³s²e³nta³. Coi³ nca³ ña³qui³ tjin¹-le⁴je¹ cho⁴ta⁴.

²¹ Nca⁴ nta³ tsa² tsa³ve³ Ni³na¹, li²coi³ tsa³c²a³sje³je³ya³ jo³-ni³ tsa² Ni³na¹, ni⁴qui³tsjoi³-jin²le⁴ cjoa⁴nta³, to⁴nca³ qui³si³sca¹ya³-le⁴ cjoa⁴fa³ai³tsjen³-le⁴, c²oa⁴ je² ni⁴ma⁴-le⁴ xi³ chi⁴con¹ qui³s²e³njion²jin³-le⁴.

²² Chji⁴ne⁴ qui³tso²-le⁴ yao³-le⁴, sca¹ya³ coan³-le⁴.

23 C'oa⁴ qui³tsjion³ cjoa⁴je³ya³-le⁴ Ni³na¹ xi³ tsi² fi³tson³ya² c'oa⁴ nca³jao³-le⁴ qui³si³cjoan³ sen¹-le⁴ cho⁴ta⁴son³nte³ xi³ fi³tson³ya², c'oa⁴ qui³si³cjoan³ sen¹-le⁴ ni⁴se³, c'oa⁴ sen¹-le⁴ cho⁴ xi³ ño³ ma³-ni³ ntso⁴co⁴, c'oa⁴ sen¹-le⁴ ye⁴.

24 Coi³ cjoa⁴ nca³ Ni³na¹ qui³sca³ni¹t⁷a³-le⁴ cjoa⁴ts⁷en⁴, nca³ cjoa⁴chi⁴nca⁴ tjin¹-le⁴ ni⁴ma⁴-le⁴. C'oa⁴-s⁷in² qui³si³qui³tson¹ yao³-le⁴ ya⁴jin³-le⁴ xi¹ncjin¹.

25 Je² cho⁴ta⁴ xo⁴cjoan³-vi⁴ qui³si³c⁷a³ntjai²ya³ cjoa⁴qui²xi⁴-le⁴ Ni³na¹ nca³ tsa³c⁷a³sje³ nti³so³. Nqui²sa⁴ tsa³ve³xcon¹, c'oa⁴ nqui²sa⁴ qui³si³xa¹-le⁴ cho⁴ta⁴son³nte³ cao⁴-ni³ tsa² Ni³na¹ xi³ tsa³c⁷enta³, jña³-le⁴ xi³ coan³chi³con³t⁷ain³ nca³ntsjai² ni⁴čhjin³. C'oa⁴ ca²ta³ma³.

26 Xi³ coi³-vi⁴ Ni³na¹ qui³sca³ni¹t⁷a³-le⁴ cjoa⁴chi⁴nca⁴-le⁴ xi³ tjin¹-le⁴ cjoa⁴soa³. Nta³ tsa² ya¹nchjin¹-le⁴ qui³si³c⁷a³ntjai²ya³ jo³-s⁷in² ma³chjen¹-le⁴ yao³-le⁴ xi³ t⁷a³ts⁷e⁴ je² xi³ tsi² tsa² coi³ c'oa⁴-s⁷in² ma³chjen¹-le⁴.

27 Ti⁴C'oa⁴-s⁷in² qui³s⁷in³-ni³ cho⁴ta⁴x⁷in⁴ nca³ qui³si³c⁷e¹jna³ jo³-s⁷in² nca³ ma³chjen¹ xi³ ya¹nchjin¹. Ña³qui³ n⁷ion¹ qui³si³sin³-le⁴ yao³-le⁴ cao⁴ x⁷in⁴xi¹ncjin¹, qui³si³cao⁴ je¹ xi¹ncjin¹ jo³-ni³ tsa² ya¹nchjin¹. Je² soa³ qui³scoe¹ chji¹-le⁴ xi³ tsa³quin²-le⁴ cjoa⁴sca¹ya³-le⁴.

28 C'oa⁴ jo³-s⁷in² nca³ je² tsi²coi³ qui³sa³sen³-le⁴ nca³ Ni³na¹ cjoa⁴ai¹tsjen³-le⁴, Ni³na¹ qui³sca³ni¹t⁷a³-le⁴ cjoa⁴fa³ai³tsjen³ xi³ n⁷ion¹ ch⁷ao³ tjin¹, jme¹-ni³ nca³ c'oa⁴s⁷in⁴-si¹ni³ xi³ tsi² tsa² coi³ nta³ tjin¹.

29 Tjin¹yi³je³-le⁴ to⁴jo³ tjin¹ jco⁴ya³ cjoa⁴ts⁷en⁴,

cjoa⁴cha³jnqui³, cjoa⁴taon³, cjoa⁴ch⁷ao³ntai³,
 cjoa⁴ xi³ ch⁷ao³ tjin¹, cjai¹nca³ tse³ qui³s⁷e³-
 le⁴ cjoa⁴xin²ta³con², c⁷oa⁴ xi³ si¹c⁷en³ c⁷en³,
 cjoa⁴vi³xcan¹ tjin¹-le⁴, cao⁴ cjoa⁴ch⁷a²na⁴cha⁴, c⁷oa⁴
 ch⁷ao³ si¹cja³?ai³tsjen³-le⁴ nca³ts⁷i³ xi³c⁷a³.

30 Si¹c⁷a³xqui⁴ xi³c⁷a³, vi³ncha¹nti³so³-le⁴, jti³que³
 Ni³na¹, cho⁴ta⁴ts⁷en⁴?a³, nc⁷a³con³, v⁷a³sje³je³ya³
 yao³-le⁴, v⁷a³sje³-ni³ jco⁴ cjoa⁴ xi³ ch⁷ao³ tjin¹,
 ts⁷a³ntjai²cjoa⁴t⁷a³ts⁷e⁴ xi³jcha¹-le⁴,

31 chi⁴con¹, li²coi³ si¹tjo³son²-le⁴ en¹-le⁴, xi¹jin³
 ni⁴ma⁴-le⁴, n⁷ion¹con³, tsin²-le⁴ cjoa⁴ma⁴ta³con²-
 jin¹.

32 Nta³tsa² ve³jme³ cjoa⁴qui²xi⁴ xi³ tsjoa¹ Ni³na¹,
 nca³ je² xi³ c⁷oa⁴s⁷in¹ va³quin²-le⁴ cjoa⁴vi³ya³, a³li²
 to⁴coi³-jin² nca³ c⁷oa⁴s⁷in¹, to⁴nca³ c⁷oa⁴-ti⁴ to⁴jnc⁰³
 ma³tsjoa³ya³-le⁴ cao⁴ je² xi³ c⁷oa⁴s⁷in¹.

2

*Cao⁴ cjoa⁴qui²xi⁴ Ni³na¹ tsjoa¹-le⁴ cjoa⁴ñ?ain³
 cho⁴ta⁴je¹*

1 Coi³ nca³ tsin²-li² cjoa⁴qui²xi⁴-jin² jo³-s⁷in² nca³
 ch⁷a⁴sje³ntjai² je¹ yao³-li⁴, ji³ cho⁴tai⁴ xi³ ?ya³sin³
 cho⁴ta⁴. C⁷ia⁴ nca³ ?ya³sin³ cho⁴ta⁴ xi³ cja⁴?ai¹, ti⁴ji³
 ?ya³sin³-ni³ yao³-li⁴, nca⁴ c⁷oa⁴?-ti⁴ ti⁴n⁷ian²-ni³, ji³
 xi³ ti³?ya³sin³.

2 To⁴nca³ ?ya³-nia¹ nca³ cao⁴ cjoa⁴qui²xi⁴ Ni³na¹
 tsjoa¹-le⁴ cjoa⁴ñ?ain³ je² xi³ c⁷oa⁴s⁷in¹ je² cjoa⁴-vi⁴.

3 Ji³ xi³ ?ya³sin³ cho⁴ta⁴ xi³ c⁷oa⁴s⁷in¹ je² cjoa⁴-vi⁴,
 c⁷oa⁴-ti⁴ ji³ c⁷oa⁴ti³n⁷ian²-ni³. A³ ni²cja³?ai³tsjen³-ni¹
 nca³ coi²tjo⁴ntjai²-lai⁴ cjoa⁴ñ?ain³-le⁴ Ni³na¹.

4 A³xo⁴ n⁷o²sje³nqui³-ni¹ xi³ n⁷ion¹ tse³ cjoa⁴nta³-le⁴ Ni³na¹, cao⁴ cjoa⁴cho⁴ya³cao⁴cjoa⁴-le⁴, cao⁴ cjoa⁴tse³ta³con²-le⁴, nca³ tsi² ⁷yai³ nca³ je² cjoa⁴nta³-le⁴ fi²cao⁴-li² nca³ si⁴c⁷a³ntjai²ya³-ni³ cjoa⁴fa³?ai³tsjen³-li⁴.

5 To⁴nca³ jo³-s⁷in² xi¹jin³ ni⁴ma⁴-li⁴ nca³ tsi² ni²c⁷a³ntjai²yai³ cjoa⁴fa³?ai³tsjen³-li⁴, ti³ni²ch⁷a¹ne²-lai⁴ yao³-li⁴ cjoa⁴jti³-le⁴ Ni³na¹ xi³ t⁷a³ts⁷e⁴ c⁷ia⁴ ni⁴čhjin³-le⁴ cjoa⁴jti³-le⁴, c⁷ia⁴ nca³ coa⁴co²tsen³ je² cjoa⁴ñ⁷ain³ xi³ cjoa⁴qui²xi⁴ xi³ tsjoa¹ Ni³na¹.

6 Ni³na¹ c⁷oe⁴chji¹-le⁴ nca³ jnco¹jnco¹ jo³-s⁷in² xa¹-le⁴ xi³ qui³s⁷in³.

7 Je² cho⁴ta⁴ xi³ va¹sjai³ cjoa⁴je³ya³ cao⁴ cjoa⁴xcon¹ta³con² cao⁴ xi³ ni⁴c⁷ia³-jin² cjo⁴tson¹, nca³ tse³jta³ nta³ ncha³ s⁷in¹, Ni³na¹ tsjoa¹-le⁴ cjoa⁴vi³jna³chon³ nca³ntsjai².

8 To⁴nca³ je² xi³ me³-le⁴ si¹qui³njen³ t⁷a³ts⁷e⁴ yao³-le⁴, xi³ tsi² si¹tjo³son²-le⁴ xi³ cjoa⁴qui²xi⁴, to⁴nca³ si¹tjo³son²-le⁴ xi³ cjoa⁴ts⁷en⁴, Ni³na¹ n⁷ion¹ tsjoa¹-le⁴ cjoa⁴jti³ cao⁴ cjoa⁴jti³ xi³ n⁷ion¹,

9 cjoa⁴ñ⁷ain³ cao⁴ cjoa⁴va³ xi³ t⁷a³ts⁷e⁴ nca³ts⁷i³ cho⁴ta⁴ xi³ ch⁷ao³ s⁷in¹, ti¹tjon² cho⁴ta⁴ judío, c⁷oa⁴-ti⁴ cho⁴ta⁴ griego,

10 to⁴nca³ cjoa⁴je³ya³ cao⁴ cjoa⁴xcon¹ta³con² cao⁴ cjoa⁴nch⁷an¹ta³con² t⁷a³ts⁷e⁴ nca³ts⁷i³ xi³ nta³ s⁷in¹, ti¹tjon² cho⁴ta⁴ judío, c⁷oa⁴-ti⁴ cho⁴ta⁴ griego.

11 Ni³na¹ to⁴nco¹son²-s⁷in² fi²cao⁴ nca³ts⁷i³.

12 Je² nca³ts⁷i³ xi³ tsin²-le⁴ cjoa⁴te¹xo³ma³, c⁷oa⁴ xi³ tsa³jnqui³ je¹, c⁷oa⁴-ti⁴ tsin²-le⁴ cjoa⁴te¹xo³ma³ nca³ cha⁴jin³. C⁷oa⁴ je² nca³ts⁷i³ xi³ tjio¹nqui³ cjoa⁴te¹xo³ma³, c⁷oa⁴ xi³ tsa³jnqui³ je¹, c⁷oa⁴-ti⁴ cao⁴

cjoa⁴te¹xo³ma³ s⁷e⁴nta³jin³-ni³le⁴.

¹³ A³li² je²-jin² xi³ to⁴nčh⁷oe¹-le⁴ cjoa⁴te¹xo³ma³ xi³ tjin¹-le⁴ cjoa⁴qui²xi⁴ nqui³xcon⁴ Ni³na¹, to⁴nca³ je² xi³ si¹tjo³son²-le⁴ cjoa⁴te¹xo³ma³, je² xi³ cjoe⁴t⁷a³ je¹-le⁴.

¹⁴ Je² cho⁴ta⁴ xi³ li² judío-jin² xi³ tsin²-le⁴ cjoa⁴te¹xo³ma³-jin², xi³ to⁴xa¹ je²-ni³ nca³ c⁷oa⁴s⁷in¹ jo³ tso² cjoa⁴te¹xo³ma³, nta³ tsa² tsin²-le⁴ cjoa⁴te¹xo³ma³-ve⁴, je² cho⁴ta⁴-ve⁴ to⁴xa¹ je²-ni³ nca³ tjin¹-le⁴ cjoa⁴te¹xo³ma³ ti⁴t⁷a³ts⁷e⁴-ni³.

¹⁵ Va³co¹cho⁴ya³ nca³ je³tjin¹-le⁴ ni⁴ma⁴-le⁴ je² xi³ v⁷e¹ne²-le⁴ cjoa⁴te¹xo³ma³. C⁷oa⁴-ti⁴ je² cjoa⁴fa³?ai³tsjen³-le⁴ to⁴jnco³ si¹qui²xi⁴ya³. C⁷oa⁴ je² cjoa⁴fa³?ai³tsjen³-le⁴ fao¹a³ nca³ va¹nqui³ c⁷oa⁴ v⁷a³sje³nqui³ je¹ yao³-le⁴.

¹⁶ C⁷oa⁴coan⁴ coi³ ni⁴čhjin³ c⁷ia⁴ nca³ Ni³na¹ c⁷oe⁴nta³jin³ cjoa⁴?ma³-le⁴ cho⁴ta⁴ xi³ to⁴t⁷a³ts⁷e⁴ Jesucristo. C⁷oa⁴tso² en¹nta³ xi³ t⁷a³ts⁷e⁴ Cristo xi³ nchja²ya³.

Cho⁴ta⁴judío cjaí¹nca³nta³ve³con³cjoa⁴te¹xo³ma³

¹⁷ Coe⁴-ni³vi⁴, ji³ xi³ jan³?ain¹ judío tjin¹-li², cjaí¹nca³ n⁷ion¹ nta³ ?ya³ta³coin²³ cjoa⁴te¹xo³ma³, c⁷oa⁴ n⁷o²sje³yai³ yao³-li⁴ nca³ Ni³na¹ ?yai³.

¹⁸ Nta³ ?yai³ jo³-s⁷in² me³-le⁴ Ni³na¹. Nta³ ch⁷a²sjai³ xi³ nqui²sa⁴ nta³ tjin¹, nca³ je² cjoa⁴te¹xo³ma³ xi³ tso²ya³-li².

¹⁹ N⁷ion¹t⁷a³-ta³coin²³ yao³-li⁴ nca³ ji³ xi³ va³co²-lai⁴ ntia⁴ xi³ xca⁴ cjoan³. Ji³ xi³ ni²i³sen³-lai⁴ xi³ njion²jin³ tgio¹.

²⁰ Ji³ xi³ va³co²ya³-lai⁴ xi³ tsi² tsa² jme³ xi³ ma³-le⁴, nca³ maestro-le⁴ xti³ mai³, nca³ ya⁴jin³

cjoa⁴te¹xo³ma³ tjin¹-li² jo³ tjin¹ cjoa⁴chji⁴ne⁴ cao⁴xi³
cjoa⁴qui²xi⁴.

²¹ Ji³-?ni³ xi³ va³co²ya³-lai⁴ xi³ cja^{4?}ai¹, a³ tsi²
?mi²ya³-lai⁴ yao³-li⁴. Ji³ xi³ no²cjoa⁴yai³ nca³ tsi²tsa²
coan⁴ nca⁴ si⁴che¹, a³ ni²che¹-ni¹³.

²² Ji³ xi³ si³ nca³ tsi² tsa² coan⁴ si⁴cha³jnqui³t[?]a³²,
a³ ni²cha³jnqui³t[?]a³-ni¹³. Ji³ xi³ ch[?]ao³chai³ xco¹son²,
a³ ni²che¹t[?]a³-ni¹³ yo⁴nco⁴-le⁴.

²³ Ji³ xi³ ch[?]a²sje³je³yai³ yao³-li⁴ nca³ tjin¹-li²
cjoa⁴te¹xo³ma³, a³ tsi² tsa² taon³ ?yai³ Ni³na¹ nca³
cjoa⁴te¹xo³ma³ vi³tja³to³ntjai²-lai⁴.

²⁴ Je² jan^{3?}ain¹-le⁴ Ni³na¹ no²cjoa^{4?}aon³-le⁴ xi³
to⁴t[?]a³tsaon⁴ ya⁴jin³-le⁴ cho⁴ta⁴ xi³ li² judío-jin², jo³-
s[?]in² tji¹t[?]a³.

²⁵ Je² cjoa⁴circuncisión ña³qui³ chji¹-le⁴
tsa² si⁴tjo³son²-lai⁴ cjoa⁴te¹xo³ma³, to⁴nca³
tsa² ji³ coi⁴tja¹to³ntjai²-lai⁴ cjoa⁴te¹xo³ma³, je²
cjoa⁴circuncisión c[?]oa⁴coan⁴-li² jo³-ni³ xi³ tsin²-
le⁴ cjoa⁴circuncisión.

²⁶ C[?]oa⁴ tsa² je² xi³ tsin²-le⁴ cjoa⁴circuncisión
xi³ si¹tjo³son²-le⁴ cjoa⁴ xi³ v[?]e¹ne² cjoa⁴te¹xo³ma³,
nta³ tsa² tsin²-le⁴ cjoa⁴circuncisión, c[?]oa⁴-ti⁴s[?]in²
ma³xqui⁴cao⁴ jo³-ni³ tsa² xi³ cjoa⁴circuncisión.

²⁷ Je² xi³ tsin²-le⁴ cjoa⁴circuncisión, to⁴nca³
n[?]ion¹ nta³ si¹tjo³son²-le⁴ cjoa⁴te¹xo³ma³, si⁴2cja^{3?}a¹-
li² cjoa⁴ñ[?]ain³ nca³ ji³ xi³ vi³tja³to³ntjai²-lai⁴
cjoa⁴te¹xo³ma³, nta³ tsa² tjin¹-li² cjoa⁴te¹xo³ma³
xi³ tji¹t[?]a³ xon⁴, c[?]oa⁴ nta³ tsa² tjin¹-li²
cjoa⁴circuncisión.

²⁸ Nca⁴ li² judío-jin² je² xi³ to⁴xquia⁴ c[?]oa⁴cji³
nca³ judío ni¹, ni⁴coi³-jin² xi³ cjoa⁴circuncisión xi³

to⁴xquia⁴ c⁷oa⁴cji³ je² xi³ ts⁷e⁴ yao³-le⁴ cho⁴ta⁴.

²⁹ To⁴nca³ je² xi³ ña³qui³ judío xi³ ña³qui³ c⁷oa⁴cjoan³ ni⁴ma⁴-le⁴. C⁷oa⁴ je² xi³ ña³qui³ cjoa⁴circuncisión je² xi³ ña³qui³ ts⁷e⁴ ni⁴ma⁴-na¹, ts⁷e⁴ espíritu, li²coi³ to⁴ts⁷e⁴ xi³ tji¹t⁷a³, je² xi³ li²coi³ vi³tjo³nta³-ni³ cho⁴ta⁴, to⁴nca³ Ni³na¹ xi³ v⁷a³sje³nta³.

3

¹ Jme¹-ni³?ni³ xi³ tjin¹-sa³le⁴ cho⁴ta⁴ judío. A³xo⁴ jme¹ xi³ chji¹-le⁴ cjoa⁴circuncisión.

² Cjai¹nca³ ncjin² c⁷a³ chji¹-le⁴. Xi³ ti¹tjon², nca⁴ je² en¹-le⁴ Ni³na¹ tsa³c⁷ai²-le⁴ cho⁴ta⁴ judío nca³ coan⁴tjao²-le⁴.

³ C⁷oa⁴ jme¹-ni³, tsa² tjin¹ c⁷a³ xi³ tsi²coi³ coan³cjain¹-le⁴. Je² xi³ tsi²coi³ ma³cjain¹-le⁴, a³ c⁷oe⁴chjoa²-le⁴ cjoa⁴qui²xi⁴-le⁴ Ni³na¹.

⁴ Ni⁴?i⁴tse¹-jin². To⁴sa³ ca²ta³ma³ qui²xi⁴ Ni³na¹, to⁴nca³ ca²ta³vi³tjo³ nti³so³ nca³ts⁷i³ cho⁴ta⁴, jo³-s⁷in² nca³ tji¹t⁷a³: Jme¹-ni³ nca³ coi⁴tjo³qui²xi⁴-ni³ jo³ tso² en¹ xi³ v⁷ai²³, c⁷oa⁴ si⁴qui³njain³ c⁷ia⁴ nca³ s⁷e⁴nta³jin³-li².

⁵ C⁷ia⁴ tsa² je² cjoa⁴ts⁷en⁴-na¹ v⁷e¹jna³tsen³ cjoa⁴qui²xi⁴-le⁴ Ni³na¹, jo¹ coi⁴xoan¹-ni³. A³ tjin¹-le⁴ cjoa⁴ts⁷en⁴ Ni³na¹ nca³ tsjoa¹-na¹ cjoa⁴ñ⁷ain³. (Nchja²³-nia¹³ jo³-ni³ tsa² cho⁴ta⁴.)

⁶ Ni⁴?i⁴tse¹-jin² c⁷oa⁴tjin¹. C⁷ia⁴ tsa² c⁷oa⁴tjin¹ cjoa⁴, jo¹-s⁷in² c⁷oe⁴nta³jin³-le⁴?ni³ son³?nte³-vi⁴ Ni³na¹.

⁷ Tsa² an³li²coi³ qui³si³jncoa³ en¹-na⁴, to⁴nca³ coi³ cjoa⁴-vi⁴ nca³ nqui²sa⁴ n⁷ion¹ nta³ va³co²son²tsen³

Romanos 3:8

x

Romanos 3:18

cjoa⁴qui²xi⁴-le⁴ Ni³na¹ t⁷a³ts⁷e⁴ cjoa⁴je³ya³-le⁴, a¹-ni³ nca³ to⁴jo³ c⁷oa⁴-s⁷in² an³ s⁷e³-si¹ni³na³ cjoa⁴ñ⁷ain³ jo³-ni³ tsa² cho⁴ta⁴je¹.

8 Tjin¹ c⁷a³ xi³ no²cjoa⁴aon³-na³jin⁴, xi³ c⁷oa⁴tso² nca³ jin⁴ xo⁴ vi³xoin¹⁴-jin⁴: A³ c⁷oa⁴s⁷ian⁴ cjoa⁴ts⁷en⁴, jme¹-ni³ nca³ coan⁴-si¹ni³ xi³ nta³ tjin¹. Je² cjoa⁴ñ⁷ain³-le⁴ xi³ c⁷oa⁴cjoan³ tjin¹-le⁴ cjoa⁴qui²xi⁴.

Nca³ts⁷i³ cho⁴ta⁴ tgio¹nqui³-le⁴ je¹

9 Jme¹-ni³?ni³. A³ nqui²sa⁴ tjin¹-sa³na¹ ña¹-vi⁴ cao⁴ je². Ni⁴?i⁴tse¹-jin². Je³tsa³ca³nquia²³ cho⁴ta⁴ judío cao⁴ cho⁴ta⁴ xi³ li² judío-jin², nca³ nca³ts⁷i³ tgio¹nqui³-le⁴ je¹.

10 Jo³-s⁷in² tji¹t⁷a³: Tsin² xi³ cho⁴ta⁴cjoa⁴qui²xi⁴-jin², ni⁴jnco³-jin².

11 Tsin² xi³ nčh⁷oe¹, tsin² xi³ va¹sjai³ Ni³na¹.

12 Nca³ts⁷i³ tsa³qui³ncha³xin²-ni¹. Nca³ts⁷i³ li²jme³ ti⁴chji¹-ni³le⁴. Ni⁴?ya³-jin² xi³ s⁷in¹ cjoa⁴nta³, ni⁴jnco³-jin².

13 Na⁴xa⁴jta⁴-le⁴ c⁷oa⁴-s⁷in² jo³-ni³ nco³ya³-le⁴tsjo¹ xi³ ti⁴x⁷a⁴. Cao⁴ ni⁴jen⁴ v⁷a³na⁴cha⁴-ni³ jo³-ni³ tsa² xan¹-le⁴ ye⁴ xi³ tji¹nqui³ čhjоa⁴ts⁷oa³.

14 Je² ts⁷oa³ ña³qui³ tji¹qui³tse³ xi³ ch⁷ao³ tso², c⁷oa⁴ xi³ cjai¹nca³ jnčha³.

15 Cjai¹nca³ chji³nca³ ntso⁴co⁴ nca³ njin¹ v⁷e¹jten³.

16 Si¹cje³jco³yi³je³, cjoa⁴va³ si¹ca³tio¹ ya⁴ya³ ntia⁴ le⁴.

17 Je² ntia⁴ xi³ nch⁷an¹ tjin¹ li²coi³ ve³.

18 Li²coi³ tsa³cjon¹que³ Ni³na¹ ya⁴jin³ cjoa⁴fa³?ai³tsjen³-le⁴.

19 To⁴nca³ ?ya³-nia¹ nca³ nca³y³je³ xi³ tso² cjoa⁴te¹xo³ma³ nchja⁴-le⁴ je² xi³ cjoa⁴te¹xo³ma³ t¹nqui³-le⁴, jme¹-ni³ nca³ nca³ts²i³ ts²oa³ s²e⁴chjoa²-ni³, c²oa⁴ nca³ts²i³ cho⁴ta⁴son³nte³ na³nqui³ c²oe⁴yo³-si¹ni³le⁴ cjoa⁴te¹xo³ma³-le⁴ Ni³na¹.

20 Nca⁴ ni⁴jnco³-jin² cho⁴ta⁴ xi³ cjoet²a³-le⁴ je¹ ya⁴ nqui³xcon⁴ Ni³na¹ nca³ c²oa⁴s²in¹ jo³ tso² cjoa⁴te¹xo³ma³, nca⁴ to⁴t²a³ts²e⁴ cjoa⁴te¹xo³ma³?ya³-le⁴ je¹.

S²e³-na¹ cjoa⁴qui²xi⁴-le⁴ Ni³na¹ xi³ to⁴t²a³ts²e⁴ nca³ ma³cjain¹-na¹ t²a³ts²e⁴ Cristo

21 To⁴nca³ nt²ai⁴-yi⁴ntai⁴ t²a³xin² xi³ cjoa⁴te¹xo³ma³ ?mi², je² cjoa⁴qui²xi⁴-le⁴ Ni³na¹ je³coan³tsen³. Testigo coan³-le⁴ je² cjoa⁴te¹xo³ma³ cao⁴ cho⁴ta⁴ xi³ qui³nchja⁴ya³ t²a³ts²e⁴ Ni³na¹.

22 Je³coan³tsen³ je² cjoa⁴qui²xi⁴-le⁴ Ni³na¹ t²a³ts²e⁴ nca³ts²i³ xi³ ma³cjain¹-le⁴, xi³ to⁴t²a³ts²e⁴ nca³ ma³cjain¹-le⁴ t²a³ts²e⁴ Cristo. Nca⁴ to⁴nco¹son² fi²cao⁴ nca³ts²i³.

23 Nca³ts²i³ tsa³jnqui³ je¹, li²coi³ nta³ vi³tjo³ nqui³xcon⁴ Ni³na¹.

24 Fe³t²a³-le⁴ je¹ xi³ to⁴cjoa⁴tjao², xi³ to⁴t²a³ts²e⁴ cjoa⁴nta³-le⁴ Ni³na¹, nca⁴ Cristo tsa³c²e¹chji¹ntjai²xi³ t²a³ts²e⁴.

25 Ni³na¹ qui³si³c²e¹jna³son²tsen³ Cristo nca³ coan³-le⁴ je¹ntjai²-na¹ cao⁴ njin¹-le⁴. Ña¹ chjoe¹ coi³ cjoa⁴nta³-vi⁴ nca³ ma³cjain¹-na¹. C²oa⁴-s²in² s²e³son²tsen³ cjoa⁴qui²xi⁴-le⁴ Ni³na¹, nta³ tsa² cao⁴ cjoa⁴tse³jta³-le⁴ qui³si³c²a³to³-ni³ je¹ xi³ je³ja³a³to³.

26 C²oa⁴coan³, jme¹-ni³ nca³ c²oa⁴-s²in² s²e⁴son²tsen³-si¹ni³ cjoa⁴qui²xi⁴-le⁴ Ni³na¹ ni⁴čhjnj³

je²-vi⁴, c²oa⁴ jme¹-ni³ nca³ jcha⁴-si¹ni³ nca³ Ni³na¹ tjin¹-le⁴ cjoa⁴qui²xi⁴ c²oa⁴ nca³ si¹cje³t²a³ je¹-le⁴ cho⁴ta⁴ xi³ ma³cjain¹-le⁴ t²a³ts²e⁴ Jesús.

27 Jo¹-s²in² coan⁴-nia¹ nca³ ch²a⁴sje³ya³² yao³-na¹. A³li²coi³ coan⁴. Tji¹chjoa²-na¹. Jñ¹a¹-le⁴ cjoa⁴te¹xo³ma³ xi³ tji¹chjoa²-ni³na¹. A³je² xi³ ts²e⁴jo³ n²ian². Ma³jain², to⁴nca³ je² xi³ ts²e⁴ nca³ ma³cjain¹-na¹.

28 C²oa⁴-s²in² nta³ cho¹son²-ni³le⁴² nca³ cho⁴ta⁴ fe³t²a³-na¹je¹to⁴t²a³ts²e⁴ nca³ ma³cjain¹-na¹, t²a³xin² je²xa¹xi³ts²e⁴ cjoa⁴te¹xo³ma³.

29 Ni³na¹, a³ to⁴Ni³na¹ xi³ ts²e⁴ cho⁴ta⁴ judío. A³ tsi² c²oa⁴-ti⁴ Ni³na¹ xi³ ts²e⁴ cho⁴ta⁴ xi³ li² judío-jin². Cjoa⁴qui²xi⁴-jin², c²oa⁴²-ti⁴ Ni³na¹ xi³ ts²e⁴ cho⁴ta⁴xi³ li² judío-jin².

30 Nca⁴ to⁴jnco³ Ni³na¹ xi³ si⁴²cje³t²a³ je¹-le⁴ cho⁴ta⁴ xi³ ts²e⁴ cjoa⁴circuncisión xi³ to⁴t²a³ts²e⁴ nca³ ma³cjain¹-le⁴, c²oa⁴xi³si⁴²cje³t²a³je¹-le⁴cho⁴ta⁴ xi³ tsin²-le⁴ cjoa⁴circuncisión, xi³ to⁴t²a³ts²e⁴ nca³ ma³cjain¹-le⁴.

31 A³ ni²cha³-nia¹ cjoa⁴te¹xo³ma³ xi³ to⁴t²a³ts²e⁴ nca³ ma³cjain¹-na¹. Ni⁴²i⁴tse¹-jin². To⁴sa³ si⁴c²e¹jna³nta³² cjoa⁴te¹xo³ma³.

Jo³-s²in² nca³ coan³cjain¹-le⁴ Abraham t²a³ts²e⁴ Ni³na¹

4

1 Jme¹ xi³ coi⁴xoan¹-ni³, jme¹ xi³ qui³sa³co³-le⁴ Abraham je² n²ai³-na¹ jo³ cjoan³yao³-na¹.

2 Tsa² je¹-le⁴ Abraham je³t[?]a³-le⁴ xi³ to⁴t[?]a³ts[?]e⁴ xi³ qui³s[?]in³, tjin¹-le⁴ jo³-s[?]in² nca³ v[?]a³sje³ya³-ni³ yao³-le⁴, to⁴nca³ li²coi³ nqui³xcon⁴ Ni³na¹.

3 Jo¹ tso² xon⁴ Escritura. Abraham coan³cjain¹-le⁴ t[?]a³ts[?]e⁴ Ni³na¹. C[?]oa⁴-s[?]in² Ni³na¹ cho⁴ta⁴cjoa⁴qui²xi⁴ qui³tso²-le⁴.

4 T[?]a³ts[?]e⁴ je² xi³ si¹xa¹, je² chji¹-le⁴ li²coi³ ma³xqui⁴cao⁴ jo³-ni³ tsa² xi³ to⁴cjoa⁴tjao², to⁴nca³ jo³-ni³ tsa² xi³ qui³tjen⁴ xi³ t[?]a³ts[?]e⁴.

5 To⁴nca³ t[?]a³ts[?]e⁴ je² xi³ tsi² si¹xa¹, to⁴nca³ ma³cjain¹-le⁴ t[?]a³ts[?]e⁴ Ni³na¹ xi³ si¹cje³t[?]a³ je¹-le⁴ cho⁴ta⁴ xi³ tsi² ve³xcon¹ nca³ je², to⁴coi³ tsa² nca³ ma³cjain¹-le⁴, cho⁴ta⁴cjoa⁴qui²xi⁴ tso²-le⁴.

6 Jo³-s[?]in² c[?]oa⁴-ti⁴ je² David qui³tso²: Jo¹ to⁴nta³-le⁴ je² cho⁴ta⁴ xi³ Ni³na¹ cho⁴ta⁴cjoa⁴qui²xi⁴ tso²-le⁴, t[?]a³xin² xa¹-le⁴.

7 Qui³tso²: Jo¹ to⁴nta³-le⁴ je²-ve⁴ xi³ cjoa⁴ts[?]a³ntjai²cjoa⁴-le⁴ qui³cha³t[?]a³, c[?]oa⁴ xi³ je¹-le⁴ qui³s[?]e³?ma³.

8 Jo¹ to⁴nta³-le⁴ je² cho⁴ta⁴ xi³ Nai³-na¹ li²coi³ si¹c[?]a³xqui⁴cao⁴ je¹-le⁴.

9 Je² cjoa⁴nta³ je²-vi⁴ a³ to⁴jnco³ ts[?]e⁴ xi³ tjin¹-le⁴ cjoa⁴circuncisión, a³xo⁴ c[?]oa⁴-ti⁴ ts[?]e⁴ xi³ tsin²-le⁴ cjoa⁴circuncisión-jin². Nca⁴ vi³xon¹-nia¹ nca³ Abraham cho⁴ta⁴cjoa⁴qui²xi⁴ qui³tso²-le⁴ nca³ coan³cjain¹-le⁴.

10 Jo¹-s[?]in²ni³ nca³ cho⁴ta⁴cjoa⁴qui²xi⁴ qui³tso²-le⁴. A³ c[?]ia⁴ nca³ je³qui³s[?]e³-le⁴ cjoa⁴circuncisión a³xo⁴ c[?]ia⁴ nca³ cje³ tjin¹-jin²le⁴. A³li² c[?]ia⁴ nca³ je³qui³s[?]e³-le⁴ cjoa⁴circuncisión, to⁴nca³ c[?]ia⁴ nca³ cje³ tjin¹-jin²le⁴.

11 C'oa⁴ cjoa⁴circuncisión coan^{3-le⁴ jo^{3-ni³ tsa² choa⁴, c'oa⁴ sello xi³ coi³ cjoa⁴qui²xi⁴ xi³ qui³s⁷e^{3-le⁴ nca³ coan³cjain^{1-le⁴ c'ia⁴ nca³ cje³ tjin^{1-jin²le⁴ cjoa⁴circuncisión. Coi³ c'oa^{4-s⁷in² nca³ n⁷ai^{3-le⁴ nca³ts⁷i³ cho⁴ta⁴ coan^{4-si¹ni³ xi³ ma³cjain^{1-le⁴ nca³ tsin^{2-le⁴ cjoa⁴circuncisión, jme^{1-ni³ nca³ cho⁴ta⁴cjoa⁴qui²xi⁴ coi⁴tso^{4-si¹ni³le⁴ nta³ tsa² je².}}}}}}}}}}}}

12 C'oa^{4-ti⁴s⁷in² n⁷ai^{3-le⁴ coan³ xi³ tjin^{1-le⁴ cjoa⁴circuncisión. A³li² tsa² to⁴jnco³ je^{2-jin² xi³ tjin^{1-le⁴ cjoa⁴circuncisión, to⁴nca³ c'oa^{42-ti⁴ je² xi³ fi²tjen⁴nqui^{3-le⁴ ntia^{42-le⁴ Abraham, jo^{3-s⁷in² coan³cjain^{1-le⁴ nca³ cje³ tjin^{1-jin²le⁴ cjoa⁴circuncisión.}}}}}}}}}}}

Ni³na¹ qui³si³s⁷e³nqui^{3-le⁴ Abraham cjoa⁴tja² xi³ to⁴t⁷a³ts⁷e⁴ nca³ coan³cjain^{1-le⁴}}

13 Nca⁴ Ni³na¹ qui³si³s⁷e³nqui^{3-le⁴ Abraham cao⁴ ntje^{4-le⁴ nca³ s⁷e^{4-le⁴ cjoa⁴tja² son³⁷nte^{3-vi⁴, a³li² to⁴t⁷a³ts⁷e^{4-jin² cjoa⁴te¹xo³ma³, to⁴nca³ to⁴t⁷a³ts⁷e⁴ je² cjoa⁴qui²xi⁴ xi³ qui³s⁷e^{3-le⁴ nca³ coan³cjain^{1-le⁴.}}}}}}}

14 Tsa² je² cho⁴ta⁴ xi³ ts⁷e⁴ cjoa⁴te¹xo³ma³ s⁷e^{4-le⁴ cjoa⁴tja², li²jme^{3-jin² chji^{1-le⁴ xi³ ma³cjain^{1-na¹⁷ni³, c'oa⁴ qui³cha³ xi³ Ni³na¹ qui³tsjoa³ ts⁷oa³.}}}}

15 Je² cjoa⁴te¹xo³ma³ si¹c⁷e¹jna³ne² cjoa⁴ñ⁷ain³, to⁴nca³ ya⁴ jña³ nca³ tsin² cjoa⁴te¹xo³ma^{3-jin², c'oa^{42-ti⁴ tsin² xi³ fa³⁷a³to³ntjai^{2-le⁴.}}}

16 Coi³ nca³ c'oa⁴ma³ xi³ to⁴t⁷a³ts⁷e⁴ nca³ ma³cjain^{1-na¹, jme^{1-ni³ nca³ c'oa⁴ma^{3-si¹ni³ to⁴cao⁴ cjoa⁴nta^{3-le⁴ Ni³na¹, c'oa⁴ jme^{1-ni³ nca³ je² xi³ Ni³na¹ qui³tsjoa^{3-ni³ ts⁷oa³ ña³qui³ tjin^{1-qui²xi^{4-ni¹ t⁷a³ts⁷e⁴ nca³ts⁷i³ ntje^{4-le⁴, a³li² to⁴je^{2-jin² xi³ ts⁷e⁴}}}}}}}}}}

cjoa⁴te¹xo³ma³, to⁴nca³ c⁷oa⁴²-ti⁴ je² xi³ ma³cjain¹-le⁴ jo³-s⁷in² coan³cjain¹-le⁴ Abraham xi³ n⁷ai³-na¹ nca³ts⁷ia³².

17 (Jo³-s⁷in² tji¹t⁷a³: N⁷ai³-le⁴ xi³ ncjin² na⁴xi⁴na³nta¹ qui³si³c⁷e¹jna³-le²³.) C⁷oa⁴coan³ nqui³xcon⁴Ni³na¹. Abraham coan³cjain¹-le⁴t⁷a³ts⁷e⁴ Ni³na¹, je² xi³ tsjоa¹-le⁴ cjoa⁴vi³jna³chon³ xi³ c⁷en³, c⁷oa⁴ nchja⁴-le⁴ cjoa⁴ xi³ tsin² jo³-ni³ tsa² xi³ tjin¹.

18 C⁷ia⁴ nca³ li²jme³ ti⁴tjin¹-ni³le⁴ cjoa⁴cho³ya²cao⁴cjoa⁴, to⁴jo³ cao⁴ cjoa⁴cho³ya²cao⁴cjoa⁴ coan³cjain¹-ni³le⁴ Abraham, nca³ coan⁴ n⁷ai³-le⁴ ncjin² na⁴xi⁴na³nta¹, jo³-s⁷in² nca³ tsa³c⁷in²-le⁴: C⁷oa⁴²-s⁷in² coan⁴ ntje⁴-li⁴.

19 Li²coi³ coan³i³nta³jin³ jo³-s⁷in² coan³cjain¹-le⁴, c⁷ia⁴ nca³ qui³si³cja³ai³tsjen³ jo³-ni³ tsa² je³c⁷en³ yao³-le⁴(nca³je³me³jnco³ ciento no¹-le⁴), c⁷oa⁴c⁷ia⁴ nca³ qui³si³cja³ai³tsjen³ nca³ nti⁴ Sara.

20 To⁴nca³ nta³ coan³cjain¹-le⁴. Li²coi³ jao² tsa³c⁷e¹-con³ xi³ t⁷a³ts⁷e⁴ xi³ Ni³na¹ qui³tsjоa³-le⁴ ts⁷oa³. To⁴sa³ nqui²sa⁴ n⁷ion¹ nta³ coan³cjain¹-le⁴, ts⁷a³sje³je³ya³ Ni³na¹,

21 c⁷oa⁴ n⁷ion¹ nta³ tsa³c⁷e¹-le⁴con³ nca³ nca³yi³je³ xi³ Ni³na¹ qui³tsjоa³-le⁴ ts⁷oa³, c⁷oa⁴-ti⁴ Ni³na¹ tjin¹-le⁴ nca³n⁷ion¹ nca³ c⁷oa⁴s⁷in⁴².

22 Coi³ nca³ Ni³na¹ cho⁴ta⁴cjoa⁴qui²xi⁴ qui³tso²-le⁴.

23 A³li² tsa² to⁴je²-jin² t⁷a³ts⁷e⁴ nca³ qui³chji³-ni³ nca³ cho⁴ta⁴cjoa⁴qui²xi⁴ qui³tso²le⁴,

24 to⁴nca³ c⁷oa⁴-ti⁴ t⁷a³tsan⁴² xi³ cho⁴ta⁴cjoa⁴qui²xi⁴ coi⁴tso⁴-na¹, ña¹ xi³ ma³cjain¹-na¹ t⁷a³ts⁷e⁴ Ni³na¹ xi³ qui³si³cja³a¹ya³-ni³le⁴ Jes^{us}, Nai³-na¹, ya⁴jin³-le⁴ c⁷en³.

25 Je² xi³ qui³ni²c⁷en³ t⁷a³ts⁷e⁴ cjoa⁴ts⁷en⁴-na¹,
c⁷oa⁴ xi³ ja³a²ya³-le⁴ jme¹-ni³ nca³ cjoe⁴t⁷a³-si¹ni³
je¹-na¹.

5

Fe³t⁷a³je¹-na¹ xi³to⁴t⁷a³ts⁷e⁴ nca³ma³cjain¹-na¹

1 Coi³ nca³ je³t⁷a³ je¹-na¹ xi³ to⁴t⁷a³ts⁷e⁴ nca³
ma³cjain¹-na¹, tjin¹-na¹ cjoa⁴ xi³ nch⁷an¹ tjin¹
t⁷a³ts⁷e⁴ Ni³na¹, xi³ to⁴t⁷a³ts⁷e⁴ Nai³-na¹ Jesucristo.

2 Xi³ to⁴t⁷a³ts⁷e⁴ Cristo c⁷oa⁴-ti⁴ qui³sa³co³-na¹
^nte³ nca³ ji³tja³s⁷en³² je² cjoa⁴nta³-vi⁴, nca⁴
ma³cjain¹-na¹ t⁷a³ts⁷e⁴. N⁷ion¹ nta³ ti³yo³jin³-le⁴²
coi³ cjoa⁴nta³-vi⁴, c⁷oa⁴ ch⁷a²sje³je³ya³² yao³-na¹
t⁷a³ts⁷e⁴ cjoa⁴cho³ya²cao⁴cjoa⁴ xi³ tjin¹-na¹ nca³
c⁷oa⁴cao⁴t⁷a³-na¹ cjoa⁴je³ya³-le⁴ Ni³na¹.

3 A³li² tsa² to⁴coi³ je²-vi⁴, to⁴nca³ c⁷oa⁴-ti⁴
ch⁷a²sje³je³ya³² yao³-na¹ t⁷a³ts⁷e⁴ cjoa⁴ñ⁷ain³
xi³ tjin¹-na¹, nca³ ^ya³² nca³ je² cjoa⁴ñ⁷ain³-ve⁴
si¹jcha¹jin³-na¹ cjoa⁴tse³jta³.

4 Je² cjoa⁴tse³jta³-ve⁴ si¹jcha¹jin³-na¹ nca³ nta³
coi²tjoa⁴². C⁷oa⁴ nca³ nta³ coi²tjoa⁴², coi³ xi³
si¹jcha¹jin³-na¹ cjoa⁴cho³ya²cao⁴cjoa⁴.

5 C⁷oa⁴ je² cjoa⁴cho³ya²cao⁴cjoa⁴ a³li²coi³ si¹soa³,
nca⁴ je² cjoa⁴tja²cha³-le⁴ Ni³na¹ qui³si³tse³ya³
ni⁴ma⁴-na¹ xi³ to⁴t⁷a³ts⁷e⁴ je² Espíritu Santo xi³
tsa³c⁷ai²-na¹.

6 C⁷ia⁴ nca³ to⁴jo³ i³nta³jin³-sa³na¹, coi³ ni⁴čhjin³
xi³ qui³s⁷e³choa⁴nca³ Cristo c⁷en³ xi³ t⁷a³ts⁷e⁴ xi³tsi²
ve³xcon¹ Ni³na¹.

7 Xi³ cjoa⁴qui²xi⁴ li²coi³-la⁴ coi⁴ya²ntjai² jnco³
cho⁴ta⁴ xi³ t⁷a³ts⁷e⁴ cho⁴ta⁴cjoa⁴qui²xi⁴, to⁴nca³ tsa²

coi³ ni⁴čhjin³ nca³ jnco³ xi³ coan⁴n⁷ion¹con³ nca³
coi⁴ya²ntjai² xi³ t⁷a³ts⁷e⁴ jnco³ cho⁴ta⁴nta³.

8 To⁴nca³ Ni³na¹ va³co¹qui²xi⁴ cjoa⁴tjao²cha³-le⁴
xi³ t⁷a³tsan⁴² nca³ Cristo c⁷en³ xi³ t⁷a³tsan⁴², c⁷ia⁴
nca³to⁴jo³ cho⁴ta⁴je¹ nia¹.

9 To⁴coi³ cjoa⁴ nca³ nt⁷ai⁴-vi⁴ je³je³t⁷a³ je¹-
na¹ xi³ to⁴t⁷a³ts⁷e⁴ njin¹-le⁴, nqui²sa⁴-jin² n⁷ion¹
cjoa⁴qui²xi⁴ nca³ coi²tjo⁴ntjai²-nia¹ je² cjoa⁴jti³-le⁴
Ni³na¹ xi³ to⁴t⁷a³ts⁷e⁴ Cristo.

10 Tsa² c⁷ia⁴ nca³ co²ntran⁴-na¹ coan³ Ni³na¹,
ti⁴je²-ni³ qui³si³cjao¹nta³-na¹ ti⁴t⁷a³ts⁷e⁴-ni³ xi³
to⁴t⁷a³ts⁷e⁴ cjoa⁴vi³ya³-le⁴ nti¹-le⁴, to⁴sa³ nt⁷ai⁴,
nca³ je³qui³cho³va²nta³-nia¹, coi²tjo⁴ntjai²-nia¹ xi³
to⁴t⁷a³ts⁷e⁴ cjoa⁴vi³jna³chon³-le⁴.

11 A³li² tsa² to⁴je² je²-vi⁴, to⁴nca³ c⁷oa⁴²-ti⁴
n⁷o²sje³ya³²sa³ Ni³na¹ to⁴t⁷a³ts⁷e⁴ Nai³-na¹
Jesucristo. To⁴t⁷a³ts⁷e⁴ je³qui³chjoe¹ nt⁷ai⁴-vi⁴ je²
cjoa⁴cho³va²nta³-vi⁴.

Je² Adam c⁷oa⁴je² Cristo

12 Coi³ je² xi³ je¹ mi² ja³⁷a³s⁷en³jin³ son³⁷nte³
xi³ to⁴t⁷a³ts⁷e⁴ jnco³ cho⁴ta⁴. C⁷oa⁴-s⁷in² tjin¹
cjoa⁴vi³ya³ xi³ to⁴t⁷a³ts⁷e⁴ je¹-ve⁴. C⁷oa⁴ je²
cjoa⁴vi³ya³-ve⁴ c⁷oa⁴-s⁷in² qui³tsao³t⁷a³-le⁴ nca³ts⁷i³
cho⁴ta⁴, nca⁴tsa³jnqui³ je¹ nca³ts⁷i³.

13 Ti¹tjon² nca³ ja³⁷ai³ cjoa⁴te¹xo³ma³, tjin¹ je¹ i⁴
son³⁷nte³-vi⁴, to⁴nca³ li²coi³ ma³xqui⁴t⁷a³ je¹, tsa²
tsin² cjoa⁴te¹xo³ma³.

14 To⁴nca³ cjoa⁴vi³ya³ tsa³ca³te¹xo³ma³
ni⁴čhjin³-le⁴ Adam sa³⁷nta³ ni⁴čhjin³-le⁴ Moisés.
Tsa³ca³te¹xo³ma³-le⁴ nta³ tsa² je² xi³ tsi² je¹

tsa³jnqui³ jo³ qui³s²in³ Adam nca³ ja³a³to³ntjai²-le⁴ cjoa⁴te¹xo³ma³. Je² Adam nco³ya³-le⁴ je² xi³ cjoa⁴ai¹.

15 To⁴nca³ je² cjoa⁴tjao²-le⁴ Ni³na¹, a³li² c⁷oa⁴-s²in² coan³ jo³-ni³ tsa² je² cjoa⁴ts²a³ntjai²cjoa⁴. Nca⁴ tsa² ncjin² xi³ c⁷en³ xi³ to⁴t²a³ts²e⁴ je¹-le⁴ jnco³ cho⁴ta⁴-ve⁴, nqui²sa⁴ n²ion¹ coan³ncjin²ya³ cjoa⁴nta³-le⁴ Ni³na¹ xi³ t²a³ts²e⁴ xi³ ncjin² ma³-ni³, c⁷oa⁴ je² cjoa⁴tjao² coan³ncjin²ya³ xi³ to⁴t²a³ts²e⁴ cjoa⁴nta³-le⁴ jnco³ cho⁴ta⁴ xi³ Jesucristo.

16 Je² cjoa⁴tjao²-le⁴ Ni³na¹ li²coi³ c⁷oa⁴coan³ jo³ coan³ je²je¹-ve⁴. C⁷ia⁴nca³ Ni³na¹ tsa³c⁷e¹nta³jin³je² cjoa⁴ts²a³ntjai²cjoa⁴-ve⁴ xi³ jnco³ ma³-ni³, qui³s²e³ cjoa⁴ñ²ain³, to⁴nca³ je² cjoa⁴tjao² ja³ai³ xi³ to⁴t²a³ts²e⁴ ncjin² cjoa⁴ts²a³ntjai²cjoa⁴, nca³ c⁷oa⁴-s²in² cjoet²a³je¹-na¹.

17 C⁷ia⁴ tsa² to⁴t²a³ts²e⁴ jnco³ cjoa⁴ts²a³ntjai²cjoa⁴ xi³ ts²e⁴ jnco³ cho⁴ta⁴-ve⁴, cjoa⁴vi³ya³ tsa³ca³te¹xo³ma³, nqui²sa⁴ to⁴n²ion¹ coa⁴te²xo³ma³ je² cho⁴ta⁴ xi³ cjoet¹ xi³ n²ion¹ tse³ cjoa⁴nta³ c⁷oa⁴ je² cjoa⁴tjao² nca³ je³t²a³ je¹-le⁴. Coa⁴te²xo³ma³ nca³ c⁷oe¹jna³con³ntsjai² xi³ to⁴t²a³ts²e⁴ jnco³ xi³ Jesucristo.

18 C⁷oa⁴-s²in² jo³-s²in² nca³ to⁴t²a³ts²e⁴ je² cjoa⁴ts²a³ntjai²cjoa⁴ xi³ ts²e⁴ jnco³ cho⁴ta⁴-ve⁴ cjoa⁴ñ²ain³ qui³s²e³-le⁴ nca³ts²i³ cho⁴ta⁴, c⁷oa⁴-ti⁴s²in² to⁴t²a³ts²e⁴ je² cjoa⁴qui²xi⁴-le⁴ jnco³ cho⁴ta⁴ cjoa⁴nta³ qui³s²e³-le⁴ nca³ts²i³ cho⁴ta⁴, nca³ cjoet²a³ je¹-le⁴, c⁷oa⁴ c⁷oa⁴-s²in² s²e³-le⁴ cjoa⁴vi³jna³chon³.

19 Jo³-s²in² nca³ cjai¹nca³ ncjin² xi³ cho⁴ta⁴je¹

coan³ xi³ to⁴t⁷a³ts⁷e⁴ nca³ jnco³ cho⁴ta⁴ xi³ tsi²
qui³si³tjo³son², c⁷oa⁴-ti⁴s⁷in² cjai¹nca³ ncjin² xi³
cho⁴ta⁴cjoa⁴qui²xi⁴ coan⁴ xi³ to⁴t⁷a³ts⁷e⁴ nca³ jnco³
cho⁴ta⁴ xi³ qui³si³tjo³son².

20 To⁴nca³ je² cjoa⁴te¹xo³ma³ ja³a³s⁷en³t⁷a³, jme¹-
ni³ nca³ je² cjoa⁴ts⁷a³ntjai²cjoa⁴-ve⁴ nqui²sa⁴ tse³
coan⁴-si¹ni³. To⁴-nca³ jña³ nca³ je² je¹-ve⁴ coan³tse³,
c⁷oa⁴-ti⁴ nqui²sa⁴ tse³ coan³-sa³ cjoa⁴nta³.

21 Jo³-s⁷in² nca³ je² je¹-ve⁴ tsa³ca³te¹xo³ma³ xi³
t⁷a³ts⁷e⁴ cjoa⁴vi³ya³, c⁷oa⁴-ti⁴s⁷in²ni³ je² cjoa⁴nta³-
ve⁴ coa⁴te²xo³ma³ xi³ to⁴t⁷a³ts⁷e⁴ cjoa⁴qui²xi⁴ nca³
s⁷e⁴ cjoa⁴vi³jna³chon³ nca³ntsjai² xi³ to⁴t⁷a³ts⁷e⁴ Jesu-
cristo Nai³-na¹.

6

Jo³-ni³tsa² ti³yo³c⁷en³², li²coi³ ti⁴ñna¹ ya³-nia¹je¹

1 Jme¹ xi³ coi⁴xoan¹-ni³. A³ coi⁴jnchi¹-sa³² je¹,
jme¹-ni³ nca³ nqui²sa⁴ coan⁴tse³-ni³ cjoa⁴nta³.

2 Ni⁴ti⁴tse¹-jin². Ña¹ xi³ jo³-ni³ tsa² ti³yo³c⁷en³²,
nca³ li²coi³ ti⁴ñna¹ ya³-nia¹ je¹. Jo¹-s⁷in² ti⁴coi⁴yo³-
sa³nia³² cao⁴ je¹.

3 A³xo⁴ tsi² tsa² ya³ nca³ nca³ts⁷ia³² jo³ tjin¹
ma³-nia³² xi³ qui³sa³te³nta¹t⁷a³-le⁴ Cristo Jesú^s,
c⁷oa⁴-ti⁴ qui³sa³te³nta¹t⁷a³² cjoa⁴vi³ya³-le⁴.

4 To⁴jnco³ qui³s⁷e³ñai³-nia¹ cao⁴ je² nca³ c⁷oa⁴-
s⁷in² qui³sa³te³nta¹t⁷a³² cjoa⁴vi³ya³-le⁴, jme¹-ni³
nca³ c⁷oa⁴-ti⁴s⁷in²ni³ ña¹-vi⁴ coi⁴tso⁴ma²coa⁴²
cjoa⁴vi³jna³chon³, jo³-s⁷in² nca³ Cristo ja³a²ya³jin³-
ni³le⁴ c⁷en³ xi³ to⁴t⁷a³ts⁷e⁴ cjoa⁴je³ya³-le⁴ N⁷ai³-na¹.

5 C'ia⁴ tsa² c'oa⁴-s²in² to⁴jnco³ coan³² cao⁴ je², jo³-ni³ tsa² c'en³² jo³-s²in² c'en³ nca³ je², c'oa⁴-ti⁴s²in² to⁴jnco³ coan⁴² cao⁴ je² nca³ cjoa⁴a¹ya³-na¹ jo³ coan³ nca³ ja³a²ya³-le⁴ nca³ je².

6 ⁷ya³-nia¹ je²-vi⁴ nca³ nca³y³je³ jo³ cjoan³² nca³s²a⁴ to⁴jnco³ qui³s²e³t'a³ cro² cao⁴ Jesú, jme¹-ni³ nca³ je² yao³-na¹ xi³ tjin¹-le⁴ je¹ s²e⁴chjoa²-si¹ni³le⁴, c'oa⁴ jme¹-ni³ nca³ tsi² ti⁴cjoa⁴n²ion¹ coan⁴chjen¹-si¹ni³na¹ je¹-ve⁴.

7 Nca⁴ je² xi³ c'en³, je³t'a³ je¹-le⁴.

8 C'ia⁴ tsa² c'en³coa⁴² Cristo, ma³cjain¹-na¹ nca³ c'oa⁴-ti⁴ coi⁴yo³chon³coa⁴² nca³ je².

9 ⁷ya³-nia¹ nca³ Cristo li²coi³ ti⁴coi⁴ya²-sa³ni³ nca³ ja³a²ya³jin³-ni³le⁴ c'en³. Cjoa⁴vi³ya³ li²coi³ ti⁴va³te¹xo³ma³-sa³ni³le⁴ nca³ je².

10 C'ia⁴ nca³ c'en³ Cristo, to⁴jnco³ c'a³ ntia³c'en³ t'a³ts²e⁴ je¹, to⁴nca³ nca³ ti¹jna³con³, ti¹jna³con³-ni¹ t'a³ts²e⁴ Ni³na¹.

11 C'oa⁴²-ti⁴s²in² nca³ jon², cho¹son²-ni³lao⁴³ t'a³ts²e⁴ yao³-no³ nca³ cjoa⁴qui²xi⁴ nca³ jo³-ni³ tsa² ti³yo³c'en³-nio¹³ ts²e⁴ je¹, to⁴nca³ ti³yo³chon³-nio¹³ t'a³ts²e⁴ Ni³na¹ nca³ ti³yo³cao⁴³ Cristo Jesú Nai³-na¹.

12 Coi³ cjoa⁴ nca³ li² v²ai²nte³-jin²lao⁴³ je¹-ve⁴ nca³ coa⁴te²xo³ma³ ya⁴jin³ yao³-no³ xi³ vi³ya³, nca³ c'oa⁴-s²in² si⁴tjo³son²-ni³lao⁴³ xi³ cjoa⁴chi⁴nca⁴-le⁴.

13 Ni⁴i⁴tse¹-jin² v²ai²nte³-lao⁴³ je¹ jo³ tjin¹ jco⁴ya³-le⁴ yao³-no³, nca³ cjoa⁴ts²en⁴ si¹chjen¹. To⁴sa³ Ni³na¹ t'a²nte³-lao⁴³ yao³-no³, jo³-ni³tsa²xi³ c'en³ qui³ni²cja³a¹ya³-ni³le⁴, tjio¹con³-ni³ nt²ai⁴-vi⁴. C'oa⁴-ti⁴ t'a²nte³-lao⁴³ Ni³na¹ nca³y³je³ jco⁴ya³-

le⁴ yao³-no³, nca³ coan⁴chjen¹-le⁴ xi³ t²a³ts²e⁴ xi³ cjoa⁴qui²xi⁴.

14 Nca⁴ je² je¹-ve⁴ li²coi³ coa⁴te¹xo³ma³-no³, nca³ tsi² tsa² na³nqui³ ti³yo³-lao⁴³ cjoa⁴te¹xo³ma³, to⁴nca³ na³nqui³ ti³yo³-lao⁴³ cjoa⁴nta³-le⁴ Ni³na¹.

Cho⁴nta³ xi³ ts²e⁴ xi³ cjoa⁴qui²xi⁴ ca²ta³ma³²

15 Jme¹-ni³?ni³. A³ coi⁴jnchi¹-nia¹ je¹ nca³ tsi² tsa² na³nqui³ ti³yo³-le⁴² cjoa⁴te¹xo³ma³, to⁴nca³ na³nqui³ ti³yo³-le⁴² cjoa⁴nta³. Ma³jain² ni⁴?i⁴tse¹-jin².

16 A³ tsi² yao³ ya³-ni³ve⁴ xi³ c²oai⁴-lao⁴³ yao³-no³ nca³ cho⁴nta³-le⁴ coaon⁴³ nca³ si⁴tjo³son²-lao⁴³, jon² nio¹³ xi³ ña³qui³ cho⁴nta³-le⁴ mao³ je² xi³ ni²tjo³son²-lao⁴³. Tsa² je² je¹-ve⁴ xi³ cho⁴nta³-le⁴ coaon⁴³, coi⁴ya²-nio¹³?ni³, to⁴nca³ tsa² si⁴tjo³son²-lao⁴³ Ni³na¹, c²oai⁴-no³ xi³ cjoa⁴qui²xi⁴.

17 To⁴nca³ cjoa⁴nta³ c²oai⁴-le⁴² Ni³na¹ nca⁴ jon² xi³ cho⁴nta³-le⁴ je¹ coaon³, to⁴nca³ je³qui³ni²tjo³son²-lao⁴³ cao⁴ ni⁴ma⁴-no³ jo³ cji³ choa⁴-le⁴ cjoa⁴fa³?ai³tsjen³ xi³ tsa³c²in²ya³-no³, jñaa³-le⁴ xi³ qui³cha³ni²t²a³-lao⁴³ yao³-no³.

18 To⁴nca³ je³ji²tjo⁴ntai¹-lao⁴³ je² je¹. Je³coaon³ cho⁴nta³-le⁴ xi³ cjoa⁴qui²xi⁴.

19 C²oa⁴ ti²si³chjen¹³ en¹ jo³ tso² cho⁴ta⁴, nca⁴ to⁴choa³ nca³n?ion¹ tjin¹-no³. Jo³-s²in² nca³ tsa³c²ai²?nte³-lao⁴³ nca³yi³je³ jco⁴ya³-le⁴ yao³-no³ nca³ jo³ xi³ cho⁴nta³-s²in² coan³chjen¹-lao⁴³ xi³ ch²ao³ tjin¹ cao⁴ xi³ cjoa⁴ts²a³ntjai²cjoa⁴ xi³ to⁴sin³ to⁴nta³, c²oa⁴-ti⁴s²in² nt²ai⁴-vi⁴ t²ai²?nte³-lao⁴³ nca³yi³je³ jco⁴ya³-le⁴ yao³-no³ nca³ jo³ xi³ cho⁴nta³-s²in² coan⁴chjen¹-lao⁴³ xi³ cjoa⁴qui²xi⁴, nca³ c²oa⁴-s²in² coan⁴tsje³-nio³ nca³ jon².

20 C'ia⁴ nca³ cho^{4?}nta^{3-le⁴} je¹ coaon³,
tsa³qui³ma³ntai^{1-lao⁴} xi³ cjoa⁴qui²xi⁴.

21 Jme^{1-ni³} xi³ qui³si³jcha^{1jin³-no³} je² cjoa⁴ je^{2-ve⁴},
xi³ nt⁷ai^{4-vi⁴}ntai⁴ ma³soa^{3-ni³}no³. Je² xi³ cjoe^{4t⁷a^{3-le⁴}}
je² cjoa^{4-ve⁴}, cjoa^{4vi³ya³} ni¹.

22 To⁴nca³ nt⁷ai^{4-vi⁴}ntai⁴ nca³ je³ji²tjo⁴ntai^{1-lao⁴}
je¹, c⁷oa⁴ cho^{4?}nta^{3-le⁴} Ni³na¹ coaon³, c⁷oa^{4-s²in²}
cji³ma³jcha^{1jin³-no³} xi³ coan⁴tsje^{3jin³-ni³}no³. C⁷oa⁴
xi³ cjoe^{4t⁷a^{3-ni³}} je^{2-vi⁴} cjoa^{4vi³jna³chon³} nca³ntsjai²
ni¹.

23 Nca⁴ je² chji^{1-le⁴} je¹ cjoa^{4vi³ya³} ni¹, to⁴nca³
je² cjoa^{4tja^{2-le⁴}} Ni³na¹ cjoa^{4vi³jna³chon³} nca³ntsjai²
ni¹, xi³ to^{4t⁷a³ts⁷e⁴} Cristo Jesús Nai^{3-na¹}.

7

Cjoa⁴nco¹son²t⁷a³ts⁷e⁴cjoa⁴vi³xan³

1 A³ ts²i² tsa² ?yao³, nts⁷e³, (nca³ fa³coa⁴ je²
xi³ ve³ cjoa^{4te¹xo³ma³}) nca³ je² cjoa^{4te¹xo³ma³}
va³te¹xo³ma^{3-le⁴} cho^{4ta⁴} c⁷ia⁴ nca³ ti¹jna³con^{3-sa³}.

2 Je² chjon⁴² xi³ je³chi³xan³ na³nqui³ ti¹jna^{3-le⁴}
x⁷in^{4-le⁴} jo³ tso² cjoa^{4te¹xo³ma³}, c⁷ia⁴ nca³ tjen⁴
ti¹jna³con^{3-sa³} x⁷in^{4-le⁴}, to⁴nca³ tsa² c⁷en³ x⁷in^{4-le⁴}
ti¹jna³ntai^{1-le⁴} cjoa^{4te¹xo³ma³} xi³ t⁷a³ts⁷e⁴ x⁷in^{4-le⁴}.

3 C⁷oa^{4-s²in²} c⁷ia⁴ nca³ ti¹jna³con³ x⁷in^{4-le⁴}, tsa²
tjin^{1-le⁴} x⁷in⁴ xi³ cja^{4?ai¹} chjon⁴²cha³jnqui^{3t⁷a³}
?mi², to⁴nca³ tsa² c⁷en³ x⁷in^{4-le⁴}, ti¹jna³ntai^{1-le⁴}
cjoa^{4te¹xo³ma³}. C⁷ia⁴ tsa² x⁷in⁴ xi³ cja^{4?ai¹} s⁷e^{4-le⁴},
a³li² chjon⁴²cha³jnqui^{3t⁷a^{3-jin²}?mi^{2-le⁴}}

4 C⁷oa^{4-ti⁴s²in²} nca³ jon^{2-vi⁴}, nts⁷e³, jo^{3-ni³}
tsa² xi³ ti³yo³c⁷aon³ t⁷a³ts⁷e⁴ cjoa^{4te¹xo³ma³}
ve⁴ xi³ to^{4t⁷a³ts⁷e⁴} yao^{3-le⁴} Cristo, jme^{1-ni³} nca³

ts²e⁴ xi³ cja⁴?ai¹ coan⁴-si¹nio³. Ts²e⁴ coaon⁴³ je² xi³ ja³?a²ya³jin³-ni³le⁴ xi³ c²en³, jme¹-ni³ nca³ coan⁴jcha¹jin³-si¹ni³na¹ cjoa⁴nta³ xi³ t²a³ts²e⁴ Ni³na¹.

5 C²ia⁴ nca³ tsa³qui³yoa³² jo³ coan³ cjoan³ yao³-na¹, je² cjoa⁴chi⁴nca⁴-le⁴ je¹-ve⁴ xi³ coan³ to⁴t²a³ts²e⁴ cjoa⁴te¹xo³ma³, qui³si³xa¹jin³ nca³yi³je³ jco⁴ya³-le⁴ yao³-na¹, qui³si³jcha¹jin³-na¹ cjoa⁴ xi³ t²a³ts²e⁴ cjoa⁴vi³ya³.

6 To⁴nca³ nt²ai⁴-vi⁴ je³ji²tjo⁴ntai¹-le⁴ cjoa⁴te¹xo³ma³, nca³ jo³-ni³ tsa² je³ti³yo³c²en³-le⁴² jña³-le⁴ xi³ tsa³qui³yo³n²ion¹-le⁴². C²oa⁴-s²in² coan⁴chjen¹-na¹ jo³-ni³ tsa² cho⁴nta¹ jo³-s²in² tso² cjoa⁴cho⁴tse⁴ xi³ ts²e⁴ Espíritu Santo, a³li²coi³ jo³-s²in² tso² je² cjoa⁴jchi¹nca³ xi³ tji¹t²a³xon⁴.

Je² xi³je¹?mi² ti¹jna³jin³-na¹

7 Jme¹-ni³ xi³ coi⁴xoan¹-ni³. Je² cjoa⁴te¹xo³ma³-ve⁴, a³ je¹ ni¹. Ma³jain², ni⁴to⁴i⁴tse¹-jin² c²oa⁴tjin¹. To⁴nca³ an³ li²coi³ tsa³?ve³ xi³ je¹?mi², tsa² tsi² xi³ to⁴t²a³ts²e⁴ cjoa⁴te¹xo³ma³. C²oa⁴-ti⁴ li²coi³ tsa³?ve³ xi³ cjoa⁴xin²ta³con², c²ia⁴ tsa² cjoa⁴te¹xo³ma³ li²coi³ c²oa⁴qui³tso²: A³li² ma³xin²ta³con²-jin²³.

8 To⁴nca³ je² je¹-ve⁴ qui³s²e³-le⁴ ?nte³ xi³ to⁴t²a³ts²e⁴ cjoa⁴te¹xo³ma³. C²oa⁴-s²in² qui³si³ncjin²-coan³ nca³yi³je³ jco⁴ya³ cjoa⁴chi⁴nca⁴. C²ia⁴ tsa² tsin² cjoa⁴te¹xo³ma³ je² je¹ jo³-ni³ tsa² ti¹jna³c²en³-ni¹.

9 C²oa⁴-s²in² tsa³ca²te⁴jna³coan³ xi³jnco³ ni⁴čhjin³ t²a³xin² cjoa²te¹xo³ma³, to⁴nca³ c²ia⁴ nca³ ja³?ai³ cjoa⁴te¹xo³ma³-ve⁴, je² je¹-ve⁴ tsa³c²e²jna³con³-ni¹, c²oa⁴ an³ jo³-ni³ tsa² c²en³-nia¹³.

10 C'oa⁴ coan³sjai³-na³ nca³ je² cjoa⁴te¹xo³ma³-ve⁴ xi³ t⁷a³-ts⁷e⁴ cjoa⁴vi³jna³chon³ c'oa⁴coan³-na³ jo³-ni³ tsa² cjoa⁴-vi³ya³.

11 Nca⁴ je² je¹-ve⁴ qui³s'e³-le⁴ ?nte³ xi³ to⁴t'a³ts⁷e⁴ cjoa⁴-te¹xo³ma³. Je²je¹-ve⁴tsa³c'a²na⁴cha⁴-na³, c'oa⁴ qui³si³c'en³-na³ xi³ to⁴t'a³ts⁷e⁴ cjoa⁴te¹xo³ma³.

12 C'oa⁴-s⁷in² nca³yi³je³ cjoa⁴te¹xo³ma³ ña³qui³ tsje³-ni¹, c'oa⁴ tjin¹-le⁴ cjoa⁴qui²xi⁴, c'oa⁴ nta³-ni¹.

13 Je² xi³ nta³-ve⁴ni³ a³ qui³si³c'en³-na³. Ma³jain², to⁴nca³ je² je¹-ve⁴ qui³si³xa¹jin³-na³ cjoa⁴vi³ya³ xi³ to⁴t'a³ts⁷e⁴ xi³ nta³ tjin¹, jme¹-ni³ nca³ coan⁴tsen³-si¹ni³ nca³ je² xi³ je¹. Xi³ to⁴t'a³ts⁷e⁴ cjoa⁴te¹xo³ma³ je² je¹-ve⁴ nqui²sa⁴ n?ion¹ tjin¹-le⁴ je¹.

14 ?ya³-nia¹ nca³ je² cjoa⁴te¹xo³ma³ ts⁷e⁴ Espíritu Santo, to⁴nca³ an³ to⁴xa¹ yao³ nia¹³. Qui³sa³te²na³t⁷a³-le⁴ je¹-ve⁴ na³nqui³ ti²jna⁴-le⁴.

15 A³li²coi³ ma³cho⁴ya³-na³ jme³ xi³ s⁷ian³ an³-vi⁴, ni⁴-c'oa⁴2-jin² s⁷ian³ je² xi³ me³-na³, to⁴nca³ je² xi³ ch⁷ao³que⁴, je²-ve⁴ xi³ c'oa⁴2s⁷ian³.

16 C'oa⁴ tsa² c'oa⁴2s⁷ian³ je² xi³ tsi² tsa² coi³ me³-na³, an³ si³qui²xi⁴ya³nta³ nca³ nta³ tjin¹ je² cjoa⁴te¹xo³ma³.

17 C'oa⁴-s⁷in² li²coi³ an³ xi³ ti⁴c'oa⁴s⁷in³-nia³, to⁴nca³ je² je¹-ve⁴ xi³ ti¹jna³jin³-na³ xi³ c'oa⁴s⁷in¹.

18 C'oa⁴ ?ve³-nia³ an³ nca³ tsi²jme³ xi³ nta³ tjin¹ xi³ ti¹jna³jin³-na³ (xi³ ti²xian³ xi³ ti¹jna³jin³ xi³ to⁴xa¹ yao³-na⁴ ni¹). Tjin¹-na³ cjoa⁴me³ta³con² nca³ c'oa⁴2s⁷ian³ je² xi³ nta³ tjin¹, to⁴nca³ li²coi³ coi³cho²tjen⁴nqui³-le⁴ nca³ c'oa⁴2s⁷ian³.

19 Nca⁴ tsi² tsa² c'oa⁴s⁷ian³ je² xi³ nta³ tjin¹ xi³ me³-na³, to⁴nca³ je² xi³ ch⁷ao³ tjin¹-ve⁴ xi³ tsi²coi³

me³-na³, je²-vi⁴ xi³ c⁷oa⁴s⁷ian³.

20 C⁷oa⁴ tsa² c⁷oa⁴s⁷ian³ xi³ tsi²coi³ me³-na³, li²coi³ an³ xi³ ti⁴c⁷oa⁴s⁷in³-nia³, to⁴nca³ je² je¹-ve⁴ xi³ ti¹jna³jin³-na³, xi³ c⁷oa⁴s⁷in¹.

21 C⁷oa⁴-s⁷in² ma³sjai³-na³ je² cjoa⁴te¹xo³ma³-vi⁴, c⁷ia⁴nca³ me³-na³ an³ nca³ c⁷oa⁴s⁷ian³ xi³ nta³ tjin¹, je² xi³ ch⁷ao³ tjin¹ ti¹jna³jin³-na³.

22 Tjin¹-na³ cjoa⁴tsjoa³ xi³ t⁷a³ts⁷e⁴ cjoa⁴te¹xo³ma³-le⁴ Ni³na¹, jo³-s⁷in² tjin¹ ni⁴ma⁴-na⁴.

23 To⁴nca³ ?ve³ nqui²jnco³ cjoa⁴te¹xo³ma³ i⁴jin³ nca³yi³je³ jco⁴ya³-le⁴ yao³-na⁴ xi³ cjan¹cao⁴ je² cjoa⁴te¹xo³ma³ xi³ ts⁷e⁴ cjoa⁴fa³?ai³tsjen³-na⁴. Je²-vi⁴ xi³ si¹c⁷e¹jna³t⁷a³n?ion¹-na³ je² cjoa⁴te¹xo³ma³ xi³ ts⁷e⁴ je¹ xi³ ti¹jna³jin³ nca³yi³je³ jco⁴ya³-le⁴ yao³-na⁴.

24 Ma⁴-xo¹nia³ an³-vi⁴. ?ya¹ xi³ si⁴2c⁷e¹jna³ntai¹-ni³na³ yao³-na⁴ xi³ ts⁷e⁴ cjoa⁴vi³ya³-vi⁴.

25 Tsjoa³-le⁴ cjoa⁴nta³ Ni³na¹ xi³ to⁴t⁷a³ts⁷e⁴ Jesucristo Nai³-na¹. C⁷oa⁴-s⁷in² ti⁴?an³-nia³ cao⁴ cjoa⁴fa³?ai³tsjen³-na⁴ ma³chjen¹-le⁴ cjoa⁴te¹xo³ma³-le⁴ Ni³na¹, to⁴nca³ cao⁴ yao³-na⁴ an³ ma³chjen¹-le⁴ cjoa⁴te¹xo³ma³-le⁴ je¹.

8

Je² Espíritu Santo tsjoa¹-na¹ cjoa⁴vi³jna³chon³nca³ ti³yo³coa⁴2 Cristo

1 Nt⁷ai⁴-vi⁴ntai⁴ ni⁴jme³-jin² cjoa⁴ñ⁷ain³ xi³ tjin¹ne²-le⁴ je² xi³ tjio¹cao⁴ Cristo Jesús, je² xi³ tsi²tsa² coi³ c⁷oa⁴-s⁷in² v⁷e²tso⁴ma³ jo³-s⁷in² nca³ me³-le⁴ yao³-na¹, to⁴-nca³ jo³-s⁷in² nca³ me³-le⁴ Espíritu Santo.

² Je² cjoa⁴te¹xo³ma³ xi³ ts⁷e⁴ Espíritu Santo, je² xi³ tsjoa¹ cjoa⁴vi³jna³chon³, nca³ ti³yo³coa⁴2 Cristo Jesús. Qui³si³c⁷e¹jna³ntai¹-ni³na³ cjoa⁴te¹xo³ma³ xi³ ts⁷e⁴ je¹, c⁷oa⁴ xi³ ts⁷e⁴ cjoa⁴vi³ya³.

³ Je² xi³ tsi² tsa² coi³ coan³ je² cjoa⁴te¹xo³ma³, nca⁴tsin²-le⁴ nca³n⁷ion¹-jin² xi³ to⁴t⁷a³ts⁷e⁴yao³-na¹, Ni³na¹ c⁷oa⁴qui³s⁷in³ je²-vi⁴ c⁷ia⁴ nca³ qui³si³ca³sen¹ nti¹-le⁴ xi³ c⁷oa⁴cji³ yao³-le⁴ jo³ cjoan³ yao³-na¹ xi³ tjin¹-le⁴ je¹, c⁷oa⁴ qui³si³ca³sen¹ Cristo xi³ to⁴cjoa⁴-le⁴ je¹-ve⁴. C⁷oa⁴-s⁷in² tsa³c⁷e¹ne²-le⁴ cjoa⁴ñ⁷ain³ je² je¹ xi³ ti¹jna³jin³ yao³-na¹,

⁴ jme¹-ni³ nca³ je² cjoa⁴qui²xi⁴ xi³ v⁷e¹ne²-na¹ cjoa⁴te¹xo³ma³ coi⁴tjo³son²jin³-si¹ni³na¹ ñia¹-vi⁴, xi³ tsi² tsa² coi³ c⁷oa⁴-s⁷in² coi⁴tso⁴ma²coa⁴2 jo³-s⁷in² me³-le⁴ yao³-na¹, to⁴nca³ jo³-s⁷in² me³-le⁴ Espíritu Santo.

⁵ Nca⁴ je² xi³ c⁷oa⁴-s⁷in² fi²cao⁴ yao³-le⁴ jo³-s⁷in² me³-le⁴ yao³-na¹, si¹sin³-le⁴ cjoa⁴-le⁴ yao³-na¹, to⁴nca³ je² xi³ c⁷oa⁴-s⁷in² fi²cao⁴ yao³-le⁴ jo³-s⁷in² me³-le⁴ Espíritu Santo, si¹sin³-le⁴ cjoa⁴ xi³ ts⁷e⁴ Espíritu Santo.

⁶ Je² xi³ si¹sin³-le⁴ cjoa⁴-le⁴ yao³-na¹, tjin¹-le⁴ cjoa⁴vi³ya³, to⁴nca³ je² xi³ si¹sin³-le⁴ cjoa⁴ xi³ ts⁷e⁴ Espíritu Santo, tjin¹-le⁴ cjoa⁴vi³jna³chon³ cao⁴ cjoa⁴nch⁷an¹ta³con².

⁷ Nca⁴ je² xi³ si¹sin³-le⁴ cjoa⁴-le⁴ yao³-na¹ co²ntran⁴ fi²-le⁴ Ni³na¹, nca³ tsi² na³nqui³ va³tio²-le⁴ cjoa⁴te¹xo³ma³-le⁴ Ni³na¹, ni⁴?i⁴tse¹-jin² coan⁴-le⁴.

⁸ C⁷oa⁴-s⁷in² je² xi³ c⁷oa⁴-s⁷in² yao³-le⁴ tgio¹-ni³, li²coi³ ma³-le⁴ si¹tsjoa³ya³-le⁴ Ni³na¹.

⁹ To⁴nca³ jon² li²coi³ yao³-no³ ti³yo³-nio³, to⁴nca³

Espíritu Santo ti³yo³-nio³, tsa² cjoa⁴qui²xi⁴ nca³ je²
 Espíritu Santo xi³ ts²e⁴ Ni³na¹ ti¹jna³jin³ ni⁴ma⁴-no³.
 To⁴nca³ tsa² jnco³ xi³ tsin²-le⁴ je² Espíritu xi³ ts²e⁴
 Cristo, a³li² ts²e⁴ Cristojin²ni³.

¹⁰ To⁴nca³ tsa² Cristo ti¹jna³jin³ ni⁴ma⁴-no³, je²
 yao³-no³ cjoa⁴qui²xi⁴ ni¹ nca³ jo³-ni³ tsa² tjio¹c²en³
 xi³ to⁴t²a³ts²e⁴ je¹, to⁴nca³ je² espíritu-no³ tjio¹con³-
 ni¹ xi³ to⁴t²a³ts²e⁴ cjoa⁴qui²xi⁴.

¹¹ C²oa⁴ tsa² je² Espíritu Santo xi³ ts²e⁴
 Ni³na¹ xi³ qui³si³cja³a¹ya³jin³-ni³le⁴ c²en³ Cristo,
 tsa² coi³ Espíritu ti¹jna³jin³ ni⁴ma⁴-no³, je² xi³
 qui³si³cja³a¹ya³jin³-ni³le⁴ c²en³ Cristo Jesús, c²oa⁴-
 ti⁴ tsjoa¹-le⁴ cjoa⁴vi³jna³chon³ yao³-no³ xi³ vi³ya³,
 xi³ to⁴t²a³ts²e⁴ je² Espíritu Santo-le⁴ xi³ ti¹jna³jin³
 ni⁴ma⁴-no³.

¹² C²oa⁴-s²in² nts²e³, ni⁴jme³-jin² xi³ qui³tjen⁴-na¹
 t²a³-ts²e⁴ yao³-na¹, nca³ coi⁴yo³chon³-nia³ jo³-s²in²
 me³-le⁴ yao³-na¹.

¹³ Tsa² coi⁴yo³ jo³-s²in² me³-le⁴ yao³-na¹, coi⁴ya²-
 nio¹³ni³, to⁴nca³ tsa² cao⁴ je² Espíritu Santo
 si⁴c²aon³ je² cjoa⁴ xi³ s²in¹ yao³-na¹, coi⁴yo³chon³-
 nio¹³ni³.

¹⁴ Nca³ts²i³ xi³ je² Espíritu Santo xi³ ts²e⁴ Ni³na¹
 va¹ntia⁴-le⁴, je²-vi⁴ xi³ ?nti¹-le⁴ Ni³na¹-ni³.

¹⁵ Nca⁴jon² a³li²coi³ qui³chjoao¹³ cjoa⁴fa³?ai³tsjen³
 xi³ ts²e⁴ xi³ tjio¹n²ion¹, nca³ nqui²jnco³c²a² s²e⁴-
 no³ cjoa⁴jcon³, to⁴nca³ qui³chjoe¹-nio¹³ je² Espíritu
 Santo xi³ ve³con³-na¹ jo³-ni³ tsa² xti³-le⁴. Xi³
 to⁴t²a³ts²e⁴ je² Espíritu Santo no²-cjoa⁴ Abba, xi³
 tso²-ni³ N²ai³.

¹⁶ Ti⁴je²-ni³ Espíritu Santo to⁴jnco³ tsjoa¹
 cjoa⁴qui²xi⁴ cao⁴ ni⁴ma⁴-na¹ nca³ coia³?nti¹-le⁴

Ni³na¹.

17 C²ia⁴ tsa² ?nti¹-le⁴ ma³², c²oa⁴²-ti⁴ s⁷e⁴-na¹ cjoa⁴tjao² ts²e⁴ Ni³na¹. To⁴jnco³ s⁷e⁴-na¹ cjoa⁴tjao² cao⁴ Cristo, tsa² ña³tjen⁴ chja⁴a² cjoa⁴ñ⁷ain³ cao⁴ Cristo, jme¹-ni³ nca³ ña³tjen⁴ coi²tjo⁴je³ya³-si¹nia³² cao⁴je².

18 Cjai¹nca³ co³son²-le⁴ nca³ an³ nca³ cjoa⁴qui²xi⁴ nca³ je² cjoa⁴ñ⁷ain³ xi³ ti³chja³a² coi³ ni⁴čhjin³-vi⁴ li²coi³ coan⁴nco¹son²cao⁴ je² cjoa⁴je³ya³ xi³ s²a⁴ nčhoa¹, xi³ coan⁴son²tsen³ t⁷a³tsan⁴.

19 Nca⁴ c²oa⁴-s²in² nca³yi³je³ xi³ qui³s⁷e³nta³ son³nte³-vi⁴ n⁷ion¹ tji¹co³ya³cao⁴cjoa⁴ nca³ coan⁴son²tsen³ nca³ts²i³ xi³ ?nti¹-le⁴ Ni³na¹.

20 Nca⁴ nca³yi³je³ xi³ qui³s⁷e³nta³ son³nte³-vi⁴, na³nqui³ qui³ni²c²e¹yo³-le⁴ cjoa⁴ xi³ tsi²jme³ nca³n⁷ion¹ tjin¹-le⁴, a³li² tsa² to⁴je² xi³ c²oa⁴-s²in² me³-le⁴, to⁴nca³ c²oa⁴-s²in² coan³me³-le⁴ je² xi³ na³nqui³ qui³si³c²e¹yo³-le⁴ cao⁴ cjoa⁴cho³ya²cao⁴cjoa⁴.

21 C²oa⁴-s²in² ti⁴je²-ni³ je² nca³yi³je³ xi³ qui³s⁷e³nta³ son³nte³-vi⁴, coi⁴tjo³ntai¹-le⁴ je² cjoa⁴ xi³ c²oa⁴-s²in² v⁷e¹n⁷ion¹-le⁴ xi³ to⁴fi³tsen³. C²oai⁴-le⁴ nca³ c²oe¹yo³ntai¹ cao⁴ cjoa⁴je³ya³ xi³ ts²e⁴ ?nti¹-le⁴ Ni³na¹.

22 ?ya³-nia¹ nca³ nca³ts²i³ xi³ qui³s⁷e³nta³ son³nte³-vi⁴ sa³nta³ nt⁷ai⁴-vi⁴, to⁴jnco³ tse³ne², c²oa⁴ to⁴jnco³ jo³ ma⁴ s⁷in¹ jo³-ni³ tsa² jnco³ chjon⁴ xi³ ?nti¹ ti¹v²e¹.

23 A³li² tsa² to⁴je²-jin² nca³ je², to⁴nca³ c²oa⁴²-ti⁴ ña¹ nca³ ña¹-vi⁴ xi³ tjin¹-na¹ je² Espíritu Santo jo³-ni³ tsa² xi³ ti¹tjon² cjoa⁴tjao², ña¹-vi⁴ tse³ne² jin³ yao³-na¹, nca³ ti³ma³cho³ya²-le⁴ nca³ coan⁴jnco³ nca³

coa⁴sen²-na¹ jo³-ni³ tsa² xti³-le⁴, nca³ tso^{2?}va³ntai¹
yao³-na¹.

24 Nca⁴ ji²tjo⁴ntjai²-nia¹ cao⁴
cjoa⁴cho³ya²cao⁴cjoa⁴-vi⁴. To⁴nca³ je² xi³ ti³cho³ya²-
le⁴², tsa² ma³tsen³, li²coi³ ti³cho³ya²-le⁴². ⁷ya¹ xi³
sco¹ya³-sa³le⁴ xi³je³co³tsen³.

25 To⁴nca³ tsa² ti³cho³ya²-le⁴² je² xi³ tsi² tsa² coi³
⁷ya³², cao⁴ cjoa⁴tse³jta³ cho¹ya³-ni³le⁴².

26 C⁷oa⁴-ti⁴s⁷in²ni³ je² Espíritu Santo va³sen¹cao⁴-
na¹ nca³ i³nta³² cjoan³², nca⁴ li²coi³ ⁷ya³² jme³
xi³ si⁴je¹ jo³-s⁷in² va³quin²-le⁴, to⁴nca³ ti⁴je²-
ni³ Espíritu Santo v⁷e¹ts⁷oa³ntjai²-na¹ cao⁴ nca³
cjai¹nca³ to⁴tse³ne², nca³ tsi² ma³-na¹ jo³ vi³xoan¹.

27 To⁴nca³ je² xi³ va¹sjai³jin³ ni⁴ma⁴-na¹, ve³
je² cjoa⁴fa^{3?}ai³tsjen³-le⁴ Espíritu Santo, nca³
v⁷e¹ts⁷oa³ntjai² cho⁴ta⁴-le⁴ Cristo jo³-s⁷in² nca³
me³-le⁴ Ni³na¹.

*Xi³ to⁴t⁷a³ts⁷e⁴ Cristo nqui²sa⁴ c⁷oa⁴s⁷ian⁴-sa³²
cao⁴-ni³tsa²je² xi³ si¹qui³njen³*

28 ⁷ya³-nia¹ nca³ nca³yi³je³ cjoa⁴ ña³tjen⁴ si¹xa¹
cjoa⁴nta³t⁷a³ts⁷e⁴je² xi³tsjoa³que³ Ni³na¹, xi³ Ni³na¹
qui³nchja⁴-le⁴ jo³-s⁷in² nca³ xa¹tsa³c⁷e¹nta³-ni³,

29 je² xi³ Ni³na¹ to⁴nqui³-ni³ tsa³ve³, c⁷oa⁴²-ti⁴
to⁴nqui³-ni³ xa¹tsa³c⁷e¹nta³-ni³ nca³ c⁷oa⁴coan⁴
cjoan³ jo³ cjoan³ ⁷nti¹-le⁴, jme¹-ni³ nca³ ⁷nti¹tjon²
coan⁴-si¹ni³le⁴ jin³-le⁴ ncjin²nts⁷e⁴.

30 C⁷oa⁴je² xi³ Ni³na¹ to⁴nqui³-ni³xa¹tsa³c⁷e¹nta³-
ni³, c⁷oa⁴²-ti⁴ Ni³na¹ qui³nchja⁴-le⁴ je²-vi⁴. C⁷oa⁴je²
xi³ qui³nchja⁴-le⁴, c⁷oa⁴-ti⁴je²-vi⁴ xi³ qui³si³cje³t⁷a³
je¹-le⁴. C⁷oa⁴je² xi³ qui³si³cje³t⁷a³je¹-le⁴, c⁷oa⁴²-ti⁴
je²-vi⁴tsa³c⁷a³sje³je³ya³.

31 Jme¹ xi³ coi⁴xoan¹⁻²ni³ je²-vi⁴. C⁷ia⁴ tsa² Ni³na¹ ti¹jna³ t⁷a³tsan⁴², ⁷ya¹ xi³ co²ntran⁴-na¹ coan⁴⁻²ni³.

32 Je² xi³ li²coi³ tsa³c⁷e¹chjoa²-le⁴ nca³ qui³s⁷e³-le⁴ cjoa⁴ñ⁷ain³, nta³ tsa² ti⁴ts⁷e⁴-ni³ ⁷nti¹-le⁴, to⁴nca³ qui³tsjoa³t⁷a³ xi³ t⁷a³tsan⁴² nca³ts⁷ia³², a³ tsi² c⁷oa⁴-ti⁴ tsjoa¹cjoa⁴tjao²-na¹ nca³yi³je³ cjoa⁴cao⁴ Cristo.

33 ⁷ya¹ xi³ coa⁴²nqui³ je² cho⁴ta⁴ xi³ Ni³na¹ tsa³cja³²a¹jin³. Ni³na¹ xi³ si¹cje³t⁷a³ je¹.

34 ⁷ya¹ xi³ v⁷e¹ne²-na¹ cjoa⁴ñ⁷ain³. Cristo Jesús xi³ c⁷en³, to⁴nca³ c⁷oa⁴²-ti⁴ je² xi³ ja³²a²ya³-le⁴, xi³ ya⁴ ti¹jna³ nca³qui²xi⁴-le⁴ Ni³na¹, je² xi³ c⁷oa⁴-ti⁴ v⁷e¹ts⁷oa³ xi³ t⁷a³tsan⁴².

35 ⁷ya¹ xi³ cjoa⁴a²xin²-na¹ cjoa⁴tjao²cha³-le⁴ Cristo. A³ cjoa⁴ñ⁷ain³ ni¹. A³ xi³ ai¹ cji³ne³-na¹. A³ je² xi³ co²ntran⁴ ma³nca³tjen⁴nqui³-na¹. A³ cji³ncha¹ ni¹. A³ je² xi³ qui³xi³jnta²joan³². A³ je² xi³ xcon¹-na¹. A³ je² xi³ qui⁴cha⁴ va¹-na¹.

36 Jo³-s⁷in² tji¹t⁷a³: Xi³ t⁷a³tsi⁴ ti³vi³ya³-ni¹⁴jin⁴ nca³ntsjai², to⁴jo³-ni³ va³rre² xi³ ti¹ni²c⁷en³ ti¹ya³ta³con²-na³jin⁴.

37 To⁴nca³ nca³yi³je³ je² cjoa⁴ je²-vi⁴ nqui²sa⁴ n⁷ion¹ c⁷oa⁴s⁷ian⁴-sa³² cao⁴-ni³ tsa² je² xi³ si¹qui³njen³, xi³ to⁴t⁷a³ts⁷e⁴ je² xi³ coan³tsjoa³que³-na¹.

38 To⁴coi³ je²-vi⁴ ña³qui³ tji¹jnco³-le⁴coan³, nca³ ni⁴cjoa⁴vi³ya³-jin², ni⁴cjoa⁴vi³jna³chon³-jin², ni⁴a²ncje⁴-jin², ni⁴ xi³ nca³co⁴-le⁴jin², ni⁴je²-jin² xi³ tjin¹-le⁴ nca³n⁷ion¹, ni⁴ xi³ nt⁷ai⁴-vi⁴jin², ni⁴je² xi³ s⁷a⁴ nčhoa¹-jin²,

39 ni⁴ xi³ nc⁷a³-jin², ni⁴ xi³ na³nqui³-jin², ni⁴to⁴jnco³-jin²sa³ xi³ xa¹ qui³s⁷e³nta³-ni³ xi³ coan⁴

cjoa⁴?a²xin²-na¹ je² cjoa⁴tja²cha³-le⁴ Ni³na¹ nca³
ti³yo³coa⁴ Cristo Jesús Nai³-na¹.

9

*Cho⁴ta⁴ Israel xi³ tsa³c²in²-le⁴ nca³ ?nti¹-le⁴ Ni³na¹
coan³*

¹ Xi³ cjoa⁴qui²xi⁴ xi³ xian³ nca⁴ ti²jna⁴coa⁴ Cristo,
li²coi³ v²e³nti³soa³. Je² cjoa⁴fa³?ai³tsjen³-na⁴ to⁴jnco³
tsjoa¹ cjoa⁴qui²xi⁴ xi³ t²a³ts²an⁴ cao⁴ je² Espíritu
Santo.

² Cjai¹nca³ tse³ cjoa⁴va³ xi³ tjin¹-na³, c²oa⁴
nca³ntsjai² n²ion¹ cji³ne³ ni⁴ma⁴-na⁴.

³ Ti⁴an³-nia³ me³-na³ ntia³coa²sen⁴t²a³xin²-le⁴
Cristo, tsa² coan⁴-na³, xi³ t²a³ts²e⁴ nts²e³, xi³
xi²nquia⁴ xi³ to⁴nco¹son² yao³-na⁴jin⁴,

⁴ xi³ coi³ cho⁴ta⁴ israelita ni¹, je² xi³ tsa³c²in²-
le⁴ nca³ ?nti¹-le⁴ Ni³na¹ coan³, c²oa⁴ ts²e⁴ cjoa⁴je³ya³,
cao⁴ cjoa⁴ xi³ qui³s²e³n²ion¹, cao⁴ je² cjoa⁴te¹xo³ma³
xi³ qui³ts²ai²-le⁴, cao⁴ cjoa⁴ xi³ ve³xcon¹, cao⁴ xi³
qui³ni²s²e³nqui³-le⁴.

⁵ Je² xi³ n²ai³jcha¹cjin³ ts²e⁴ ni¹, c²oa⁴?-ti⁴ je²
Cristo jo³ cjoan³ yao³-le⁴ ji³nčhoa³-ni³ ntje⁴-le⁴.
Je² xi³ Ni³na¹ xi³ va³te¹xo³ma³-le⁴ nca³y³je³ cjoa⁴,
ca²ta³chi³con³t²ain³ nca³ntsjai² ni⁴čhjin³. C²oa⁴
ca²ta³ma³.

⁶ To⁴nca³ en¹-le⁴ Ni³na¹ ni⁴jme³-jin² xi³ qui³cha³-
le⁴. Nca⁴tsi²tsa²to⁴nca³ts²i³-jin² xi³ nčhoa¹-ni³ ntje⁴-
le⁴ Israel xi³ cho⁴ta⁴ israelita ni¹.

⁷ Ni⁴coi³-jin² nca³ ntje⁴-le⁴ Abraham nca³ ?nti¹-
le⁴ coan³ nca³ts²i³, to⁴nca³ je² xi³ ts²e⁴ Isaac, je² xi³
ntje⁴-li⁴ c²oin¹.

8 Coi³ xi³ tso²-ni³: A³li² je²-jin² xi³ ?nti¹-le⁴ jo³ cjoan³ yao³-le⁴ xi³ ?nti¹-le⁴ Ni³na¹, to⁴nca³ je² xi³ ?nti¹-le⁴ jo³-s?in² nca³ qui³si³s?e³nqui³-le⁴, je² ni¹ xi³ coan³xqui⁴cao⁴ nca³ ntje⁴-le⁴.

9 Je² en¹ xi³ Ni³na¹ qui³si³s?e³nqui³-le⁴ Abraham, coi³ je²-vi⁴: I⁴-cjoan²s?in² ni⁴čhjin³ no¹ xi³jnco³ cjoe²e⁴, c²oa⁴ s²e⁴-le⁴ Sara jnco³ ?nti¹.

10 A³li² tsa² to⁴coi³ je²-vi⁴, to⁴nca³ c²oa⁴ti⁴ Rebeca, c²ia⁴ nca³ qui³sa³co³-le⁴ ?nti¹ xi³ ts²e⁴ jnco³ x?in⁴ Isaac, n²ai³-na⁴jin⁴,

11 (c²ia⁴ nca³ cje³-sa³ tsin³-jin², c²oa⁴ c²ia⁴ nca³ ni⁴sa³jme³-jin² xi³ s?in¹, ni⁴ xi³ nta³ tjin¹, ni⁴ xi³ ch²ao³tjin¹, jme¹-ni³nca³s²e⁴jna³ntsjai²-ni³jo³-s?in² xa¹ tsa³c²e¹nta³-ni³ Ni³na¹ nca³ tsa³cja³a¹jin³, a³li² to⁴t²a³ts²e⁴ xa¹-le⁴jin², to⁴-nca³ to⁴t²a³ts²e⁴ jo³-s?in² me³-le⁴je² xi³ nchja⁴),

12 c²oa⁴tsa³c²in²-le⁴ Rebeca nca³ je² xi³ ma³jchi¹nca³ cho⁴nta³ coan⁴-le⁴ xi³ ma³?nti¹.

13 Jo³-s?in² nca³ tji¹t²a³: Je² Jacobo xi³ coan³tsjoa³que⁴, to⁴nca³Esaú ch²ao³que⁴ coan³.

14 Jme¹ xi³ coi⁴xoan¹-ni³. Ni³na¹, a³ tjin¹ xi³ tsi² cjoa⁴qui²xi⁴ xi³ s?in¹. Ma³jain². Ni⁴i⁴tse¹-jin² c²oa⁴jin¹.

15 To⁴nca³ Ni³na¹ qui³tso²-le⁴ Moisés: Coan⁴ma⁴que⁴ to⁴?ya³-ni³ve⁴ xi³ me³-na³ nca³ coan⁴ma⁴que⁴, c²oa⁴ aon³ coan⁴-na³ to⁴?ya³-ni³ve⁴ xi³ t²a³ts²e⁴ aon³ coan⁴-na³.

16 C²oa⁴-s?in² nca³ tsi² tsa² coi³ nca³ c²oa⁴-s?in² me³-le⁴ cho⁴ta⁴, ni⁴coi³-jin² nca³ n²ion¹ si¹xa¹, to⁴nca³ coi³ nca³ Ni³na¹ xi³ tjin¹-le⁴ cjoa⁴ma⁴ta³con².

17 Nca⁴ je² xon⁴ Escritura c⁷oa⁴tsō²-le⁴ Faraón: Coi³ je²-vi⁴ nca³ qui³sco³mi³tjen⁴-le²³, jme¹-ni³ nca³ coa³co³-si¹nia³ nca³n⁷ion¹-na⁴ xi³ to⁴t⁷a³tsi⁴, c⁷oa⁴ jme¹-ni³ nca³ jan³ain¹-na⁴ coi⁴no²cjoa⁴ya³-si¹ni³ nca³qui³jnta² son³nte³.

18 C⁷oa⁴-s⁷in² Ni³na¹ tjin¹-le⁴ cjoa⁴ma⁴ta³con² t⁷a³ts⁷e⁴ cho⁴ta⁴ to⁴ya³-ni³ve⁴ xi³ me³-le⁴. C⁷oa⁴-ti⁴ Ni³na¹ si¹ta²ja³ ni⁴ma⁴-le⁴ cho⁴ta⁴ to⁴ya³-ni³ve⁴ xi³ me³-le⁴.

19 C⁷oa⁴c⁷oin¹-nai¹ni³. A¹-ni³ nca³ Ni³na¹ va¹ne²-si¹ni³je¹cho⁴ta⁴, nca⁴ya¹xi³coan⁴c⁷oe⁴jna³ta²ja³-le⁴xi³me³-le⁴Ni³na¹.

20 To⁴nca³ ji³ cho⁴ta⁴, ⁷ya¹ ni¹ji³ nca³ coa⁴te²cjao³a²cao⁴-si¹ni³ Ni³na¹. A³ coi⁴nchja⁴cao⁴ ti⁴nte³je²xi³ca²si¹nta³: A¹-ni³ nca³ c⁷oa⁴ca²ni²ca¹-si¹ni³nai¹3.

21 A³ tsin²-le⁴ nte³-jin² je² xi³ si¹nta³ ti⁴2 nca³ si⁴nta³-ni³ xi³ti⁴coi³-ni³nta¹si³jncō³xi³n⁷ion¹nta³ cji³c⁷oa⁴nqui²jncō³xi³to⁴ti⁴yo⁴ma⁴.

22 To⁴nca³ Ni³na¹, nta³tsa²me³-le⁴ nca³ coa⁴co² cjoa⁴jti³-le⁴, c⁷oa⁴nta³tsa²me³-le⁴ nca³jcha⁴-le⁴ nca³n⁷ion¹-le⁴, c⁷oa⁴-s⁷in² qui³cho¹cjoa⁴-le⁴ cao⁴ cjoa⁴tse³jta³-le⁴ je²ti⁴2xi³xa¹coan³nta³-ni³ t⁷a³ts⁷e⁴ cjoa⁴jti³-le⁴. Je²ti⁴2xi³Ni³na¹to⁴nqui³-ni³tsa³c⁷e¹jna³nta³t⁷a³ts⁷e⁴cjoa⁴je³ya³.

23 Coi³ xi³ c⁷oa⁴qui³s⁷in³ jme¹-ni³ nca³ jcha⁴-si¹ni³le⁴ jo³ nca³ n⁷ion¹ tse³ tjin¹ cjoa⁴je³ya³-le⁴ xi³ t⁷a³ts⁷e⁴ ti⁴2xi³xa¹coan³nta³-ni³ t⁷a³ts⁷e⁴ cjoa⁴ma⁴ta³con²-le⁴. Je²ti⁴2xi³Ni³na¹to⁴nqui³-ni³tsa³c⁷e¹jna³nta³t⁷a³ts⁷e⁴cjoa⁴je³ya³.

24 Xi³ coi³ ña¹-vi⁴ nca³ c⁷oa⁴-ti⁴ Ni³na¹ qui³nchja⁴-na¹, a³li²tsa²to⁴je²-jin²xi³ts⁷e⁴cho⁴ta⁴judío,

to⁴nca³ c⁷oa^{4²}-ti⁴ cho⁴ta⁴ xi³ ts⁷e⁴ xi³ li² judío-jin².

25 Jo³-s⁷in² nca³ Ni³na¹ c⁷oa⁴-ti⁴ tso² ya⁴ ts⁷e⁴ Os-eas: Coi³nchja²³-le⁴ na⁴xi⁴na³nta¹-na⁴, je² xi³ tsi² tsa² coi³ ts⁷an⁴ na⁴xi⁴na³nta¹. C⁷oa⁴-ti⁴ coi³nchja²³-le⁴ xi³ tjao²que⁴, je² xi³ tsi² tsa² coi³ coan³tjao²que⁴.

26 C⁷oa⁴ coan⁴ ya⁴ ?nte³ jña³ nca³ c⁷oa⁴tsa³c⁷in²-le⁴ve⁴, jon²-vi⁴ a³li² na⁴xi⁴na³nta¹-na⁴jin², ya⁴ coi⁴no²cjoa⁴-le⁴ ?nti¹-le⁴ Ni³na¹ xi³ ti¹jna³con³.

27 C⁷oa⁴-ti⁴ Isaías nchja⁴ya³ xi³ t⁷a³ts⁷e⁴ Israel: Nta³ tsa² c⁷oa⁴tjin¹ ma³-ni³ ?nti¹-le⁴ Israel jo³ cji³ ma³-ni³ tso³mi¹-le⁴ nta¹chi³con³, to⁴je² xi³ c⁷oa⁴nqui³ coi³tjo³ntjai²-ni¹.

28 Nca⁴ je² Nai³-na¹ si⁴jnco³ cjoa⁴qui²xi⁴-le⁴ xi³ tjin¹ne²-le⁴ son³?nte³ nca³ ña³qui³ c⁷oa⁴tjin¹, c⁷oa⁴ nti⁴ton⁴ c⁷oa⁴coan⁴.

29 Jo³-s⁷in² nca³ to⁴nqui³-ni³ c⁷oa⁴qui³tso² Isaías: Tsa² je² Nai³-na¹ xi³ Nai³-le⁴ so³nta²do⁴ tsa² tsi² qui³si³ca³tio²con³-na¹ ntje⁴, c⁷oa⁴-ti⁴s⁷in² c⁷oa⁴coan³² jo³ coan³ Sodoma, c⁷oa⁴-ti⁴s⁷in² c⁷oa⁴coan³ cjoan³² jo³ cjoan³ Gomorra.

Je² cjoa⁴qui²xi⁴ xi³ to⁴t⁷a³ts⁷e⁴ nca³ma³cjain¹-na¹

30 Jme¹ xi³ coi⁴xoan¹-?ni³: Je² cho⁴ta⁴ xi³ li² judío-jin², xi³ tsi² qui³tjen⁴nqui³-le⁴ cjoa⁴qui²xi⁴-le⁴ Ni³na¹, ji³cho²tjen⁴nqui³ xi³ cjoa⁴qui²xi⁴, xi³ coi³ cjoa⁴qui²xi⁴ tjoe¹-na¹ xi³ to⁴t⁷a³ts⁷e⁴ nca³ ma³cjain¹-na¹,

31 to⁴nca³ cho⁴ta⁴ Israel xi³ qui³tjen⁴nqui³-le⁴ je² cjoa⁴te¹xo³ma³ xi³ v⁷e¹ne² xi³ cjoa⁴qui²xi⁴ li²coi³ ji³cho²tjen⁴nqui³-le⁴ nca³ qui³si³jnco³ cjoa⁴te¹xo³ma³ xi³ v⁷e¹ne² xi³ cjoa⁴qui²xi⁴.

32 A¹-ni³. To⁴coi³ nca³ li²coi³ qui³tjen⁴nqui³-le⁴ xi³ cjoa⁴qui²xi⁴ xi³ to⁴t⁷a³ts⁷e⁴ nca³ coan⁴cjain¹-le⁴, to⁴nca³ c⁷oa⁴s⁷in² qui³tjen⁴nqui³-le⁴ xi³ cjoa⁴qui²xi⁴ xi³ to⁴t⁷a³ts⁷e⁴ nca³ qui³si³xa¹-le⁴ cjoa⁴te¹xo³ma³. Ya⁴ qui³sa³te³nqui³-ni³ ya⁴ la⁴jao⁴ xi³ qui³jna³chjoa².

33 Jo³-s⁷in² tji¹t⁷a³: Coe⁴-ni³ i⁴ c⁷oe³jna²³ ya⁴ Sión la⁴jao⁴ xi³ qui³jna³chjoa², c⁷oa⁴ la⁴jao⁴ xi³ sa³te¹nquia³². Je² xi³ coan⁴cjain¹-le⁴ t⁷a³ts⁷e⁴ li²coi³ coan⁴soa³-le⁴.

10

1 Nts⁷e³, ña³qui³ cjoa⁴qui²xi⁴ ni¹ coi³ xi³ me³-le⁴ ni⁴ma⁴-na⁴, c⁷oa⁴ coi³ xi³ v²e³ts⁷oa²³-le⁴ Ni³na¹ t⁷a³ts⁷e⁴ Israel, nca³ coi⁴tjo³ntjai².

2 Nca⁴ an³ tsjoa³ cjoa⁴qui²xi⁴ t⁷a³ts⁷e⁴ Israel nca³ n⁷ion¹ xcon¹ ve³ Ni³na¹, to⁴nca³ li²coi³ jo³-s⁷in² ma³chjen¹ cjoa⁴i³sen³ta³con².

3 Li²coi³ ve³ cjoa⁴qui²xi⁴ xi³ Ni³na¹ tsjoa¹. To⁴coi³ xi³ me³-le⁴ nca³ v⁷a³sje³ cjoa⁴qui²xi⁴ xi³ ti⁴ts⁷e⁴-ni³. Li²coi³ na³nqui³ tsa³ca³tio²-le⁴ cjoa⁴qui²xi⁴-le⁴ Ni³na¹.

4 Cristo qui³si³cje³t⁷a³ cjoa⁴te¹xo³ma³-ve⁴, jme¹-ni³ nca³ s⁷e⁴-si¹ni³le⁴ cjoa⁴qui²xi⁴ nca³ts⁷i³ xi³ ma³cjain¹-le⁴.

5 Je² Moisés c⁷oa⁴-s⁷in² qui³squi³ t⁷a³ts⁷e⁴ je² cjoa⁴qui²xi⁴ xi³ ts⁷e⁴ cjoa⁴te¹xo³ma³: Je² cho⁴ta⁴ xi³ c⁷oa⁴s⁷in⁴ je² cjoa⁴ je²-vi⁴, xi³ to⁴t⁷a³ts⁷e⁴ je² cjoa⁴-vi⁴ c⁷oe¹jna³con³-ni¹.

6 To⁴nca³ je² cjoa⁴qui²xi⁴ xi³ to⁴t⁷a³ts⁷e⁴ nca³ ma³cjain¹-na¹ c⁷oi⁴tso²: A³li² c⁷oa⁴-jin² tso² ni⁴ma⁴-li⁴: ⁷ya¹ xi³ coai⁴ nc⁷a³jmi³, (xi³ tso²-ni³, nca³ coai⁴ c⁷a¹jen³ Cristo).

7 A³xo⁴: ⁷ya¹ xi³ coai⁴s⁷en³ tsjo¹ cjoa⁴vi³ya³, (xi³ tso²-ni³, nca³ coai⁴ c⁷a¹jin³nqui²ntia³-ni³ c⁷en³ Cristo).

8 To⁴nca³ jo¹ tso². Je² en¹-ve⁴ čhian³ ti¹jna³-li², ti¹jna³a³ ntso⁴vai³, c⁷oa⁴ ya⁴ ti¹jna³jin³ ni⁴ma⁴-li⁴. Je²-vi⁴ je² en¹ xi³t⁷a³ts⁷e⁴ nca³ ma³cjain¹-na¹, jña³-le⁴ xi³ no²cjoa⁴ya³jin³-ni³jin⁴.

9 Xi³ coi³-vi⁴, tsa² si⁴qui²xi⁴ya³nta³-lai⁴ cao⁴ ntso⁴vai³ nca³ Nai³-li⁴ Jesú, c⁷oa⁴ tsa² coan⁴cjain¹-le⁴ ni⁴ma⁴-li⁴ nca³ Ni³na¹ qui³si³cja³a¹ya³jin³-ni³le⁴ c⁷en³ Cristo, c⁷ia⁴ coi²tjo⁴ntjai²-ni¹ni³.

10 Nca⁴ cao⁴ ni⁴ma⁴-na¹ ma³cjain¹-na¹ xi³ t⁷a³ts⁷e⁴ nca³ cjoet⁷a³ je¹-na¹, to⁴nca³ cao⁴ ntso⁴va³² ni²qui²xi⁴ya³nta³-nia¹ xi³ t⁷a³ts⁷e⁴ nca³ coi²tjo⁴ntje².

11 Je² xon⁴ Escritura tso²: Je² nca³ts⁷i³ xi³ ma³cjain¹-le⁴ t⁷a³ts⁷e⁴ Cristo, li²coi³ coan⁴soa³-le⁴.

12 Nca⁴ Ni³na¹ to⁴nco¹son² fi²cao⁴ cho⁴ta⁴ judío cao⁴ cho⁴ta⁴ griego, nca³ ti⁴je²-ni³ Cristo xi³ Nai³-le⁴ nca³ts⁷i³, n⁷ion¹ tjin¹-le⁴ cjoa⁴nchi⁴na¹ t⁷a³ts⁷e⁴ nca³ts⁷i³ xi³ nchja⁴-le⁴.

13 Nca⁴ nca³ts⁷i³ to⁴ya³-ni³ve⁴ xi³ coi⁴nchja⁴-le⁴ jan³ain¹-le⁴ Nai³-na¹, coi⁴tjo³ntjai²-ni¹ni³.

14 Jo¹-s⁷in² coi⁴nchja⁴-le⁴ Cristo tso²c⁷oa⁴, nca³ je² xi³ tsi² coan³cjain¹-le⁴ t⁷a³ts⁷e⁴. C⁷oa⁴ jo¹-s⁷in² coan⁴cjain¹-le⁴ t⁷a³ts⁷e⁴, nca³ je² xi³ tsi²coi³ nch⁷oe¹ t⁷a³ts⁷e⁴. C⁷oa⁴ jo¹-s⁷in² coan⁴-ni³ cjo⁴nch⁷oe¹, tsa² tsin² xi³ coi⁴nchja⁴ya³jin³-le⁴.

15 C⁷oa⁴ jo¹-s⁷in² coi⁴nchja⁴ya³jin³-le⁴ tsa² tsi² ⁷ya³ xi³ si⁴ca³sen¹-le⁴, jo³-s⁷in² tji¹t⁷a³: Li² to⁴c⁷oa⁴ na³sca¹ cjoan³ ntso⁴co⁴je² xi³ ts⁷e⁴ xi³ nchja⁴ya³jin³ je² en¹nta³-le⁴ t⁷a³ts⁷e⁴ xi³ nch⁷an¹ tjin¹, xi³ ts⁷e⁴ xi³

nchja⁴ya³jin³ je² en¹nta³-le⁴ t⁷a³ts⁷e⁴ xi³ nta³ tjin¹.

¹⁶ To⁴nca³ li²coi³ nca³ts⁷i³ xi³ qui³si³tjo³son² en¹nta³-vi⁴, nca³ je² Isaiás tso²: Señor, ⁷ya¹ xi³ coan³cjain¹-le⁴ en¹ xi³ qui³no²cjoa⁴yai³⁴-jin⁴.

¹⁷ C⁷oa⁴-s²in² ma³cjain¹-na¹ xi³ to⁴t⁷a³ts⁷e⁴ nca³ no²?ya². C⁷oa⁴c⁷oa⁴-s²in² no²?ya² xi³ to⁴t⁷a³ts⁷e⁴ en¹-le⁴ Ni³na¹.

¹⁸ To⁴nca³ c⁷oa⁴xian³: A³ tsi² qui³nčh⁷oe¹. Ňa³qui³ c⁷oa⁴tjin¹, nca³qui³jinta² son³?nte³ ts⁷a³tji³vi¹son² jta⁴-le⁴, c⁷oa⁴ ji³cho² en¹-le⁴ sa³?nta³ jňa³ tjen⁴ fe³t⁷a³-ni³ son³?nte³.

¹⁹ To⁴nca³c⁷oa⁴xian³: A³ tsi²tsa³ve³je²-vi⁴cho⁴ta⁴ Israel. Ti¹tjon² Moisés tso²: An³ si³chi⁴ni⁴-no³ co²ntran⁴-le⁴ cho⁴ta⁴ xi³ tsi² na⁴xi⁴na³nta¹, c⁷oa⁴ co²ntran⁴-le⁴ cho⁴ta⁴ xi³ tsi²coi³ si¹cja³?ai³tsjen³ si³jtí³-no³.

²⁰ To⁴sa³ Isaiás ma³n?ion¹con³ nca³ tso²: Coan³sjai³-le⁴ nca³ an³ je² xi³ tsi² tsa³ca¹sjai³-na³, c⁷oa⁴ tsa³ca³co³-le⁴ yao³-na⁴ je² xi³ tsi² tsa² coi³ qui³tsi²na³nqui³ t⁷a³ts⁷an⁴.

²¹ To⁴nca³ xi³ t⁷a³ts⁷e⁴ cho⁴ta⁴ Israel tso²: Nca³yi³je³ ni⁴čhjin³ tsa³cjen³-le⁴ ntsa⁴ jnco³ na⁴xi⁴na³nta¹ xi³ xi¹jin³, xi³ to⁴cja⁴?ai¹-nca¹ tso².

11

Je² xi³ ts⁷e⁴ cho⁴ta⁴ Israel xi³ Ni³na¹ tsa³cja³?a¹jin³ cao⁴ cjoa⁴nta³-le⁴

¹ C⁷oa⁴xian³-?ni³: A³ tsa³c⁷a³sje³t⁷a³xin²-ni¹ Ni³na¹ na⁴xi⁴na³nta¹-le⁴. Ma³jain², ni⁴?i⁴tse¹-jin² c⁷oa⁴tjin¹. C⁷oa⁴-ti⁴ an³-vi⁴ cho⁴ta⁴ israelita nia¹³, ntje⁴-le⁴ Abraham nia¹³, xi³ ti⁴coi³-nia³ xi¹ncjin¹ Benjamín.

² Ni³na¹ li²coi³ tsa³c²a³sje³xin² na⁴xi⁴na³nta¹-le⁴ xi³ to⁴nqui³-ni³ tsa³ve³. A³ tsi² ?yao³ jo³ tso² xon⁴ Escritura t²a³ts²e⁴ Elías, jo³-s²in² nca³ tsa³c²e¹ts²oa³-le⁴ Ni³na¹ co²ntran⁴-le⁴ Israel,

³ Señor, qui³si³c²en³ cho⁴ta⁴-li⁴ xi³ qui³nchja⁴ya³ t²a³tsi⁴, c²oa⁴ qui³si³xcoa⁴ya³ son²xta²-li⁴, c²oa⁴ to⁴an³ tsa³ca²te⁴jna³, c²oa⁴ me³-xo¹le⁴ nca³ si⁴c²en³-na³.

⁴ To⁴nca³ jo¹-s²in² qui³si³c²o¹fa³ya³-le⁴ en¹ Ni³na¹: Ña³to³ jmi³ cho⁴ta⁴ qui³si³ca³tioa²³ xi³ t²a³ts²an⁴ xi³ tsi² tsa² ya⁴ tsa³qui³ncha³xco¹nch?in³t²a³-le⁴ Baal.

⁵ C²oa⁴-ti⁴s²in²ni³, nta³ tsa² coi³ ni⁴čhjin³ je²-vi⁴ to⁴jo³ tjin¹-sa³ cho⁴ta⁴ xi³ njen³nqui³ xi³ Ni³na¹ tsa³cja³a¹jin³-ni³ cao⁴cjoa⁴nta³-le⁴.

⁶ C²ia⁴tsa² to⁴t²a³ts²e⁴ cjoa⁴nta³, li²coi³ to⁴t²a³ts²e⁴ xa¹na¹-ni³. Tsa² cja⁴ai¹ tjin¹ cjoa⁴, je² cjoa⁴nta³-ve⁴ a³li² ti⁴cjoa⁴nta³-ni³?ni³. C²oa⁴ tsa² to⁴t²a³ts²e⁴ xa¹-na¹, a³li² ti⁴cjoa⁴nta³-ni³?ni³. Tsa² cja⁴ai¹ tjin¹ cjoa⁴, je² xa¹-na¹ li²coi³ ti⁴xa¹-ni³?ni³.

⁷ Jme¹-ni³?ni³. Israel li²coi³ ji³cho²tjen⁴nqui³-le⁴ jme³ xi³ tsa³ca¹sjai³, to⁴nca³ je² xi³ Ni³na¹ tsa³cja³a¹jin³ ji³cho²tjen⁴nqui³-le⁴. C²oa⁴ je² xi³c²a³ ña³qui³ n²ion¹ xi¹jin³ coan³.

⁸ Jo³-s²in² tji¹t²a³: Ni³na¹ qui³tsjoa³-le⁴ nca³ cja¹nca³ njion² tji¹ ni⁴ma⁴-le⁴, c²oa⁴ xcon⁴ xi³ tsi² ma³tsen³-ni³le⁴, c²oa⁴ xo⁴ño³ xi³ tsi²coi³ nčh?oe¹-ni³, sa³?nta³ je² ni⁴čhjin³-vi⁴.

⁹ C²oa⁴ David tso²: Ca²ta³v²a³ntjai²ya³ s²oi¹-le⁴. Jnco³ n²o¹chji⁴ye⁴ ca²ta³ma³, c²oa⁴ na⁴?ya³ xi³ ya⁴ tsao³ya³, c²oa⁴ la⁴jao⁴ xi³ sa³te¹nqui³, c²oa⁴ cao⁴ cjoa⁴ñ²ain³-le⁴ ca²ta³v²e¹chji¹-ni³.

10 Ca²ta³s⁷e³chjoa²nqui³ xcon⁴, jme¹-ni³ nca³ tsi² scoe⁴-si¹ni³. Nca³ntsjai² ca²ta³mi³nti³ya³cao⁴ ya¹ts⁷in⁴.

C'oa⁴-ti⁴ ja³ai³-le⁴ cjoa⁴vi³tjo³ntjai² cho⁴ta⁴ xi³ li² judío-jin²

11 C'oa⁴xian³-?ni³: A³ qui³sa³te²nqui²-ni³ jo³ sa³nta³ nca³ qui³tsao³nti²jao³. Ma³jain², ni⁴?i⁴tsse¹-jin², to⁴nca³ to⁴t⁷a³ts⁷e⁴ nca³ qui³tsao³jin³ je¹ cho⁴ta⁴ Israel, c²oa⁴-s⁷in² ja³ai³-le⁴ cjoa⁴vi³tjo³ntjai² cho⁴ta⁴ xi³ li² judío-jin², jme¹-ni³ nca³ coan⁴chi⁴ni⁴que³-si¹ni³ cho⁴ta⁴ Israel.

12 Tsa² to⁴t⁷a³ts⁷e⁴ nca³ qui³tsao³jin³ je¹ cho⁴ta⁴ Israel, coi³ nca³ s⁷e⁴-le⁴ cjoa⁴nchi⁴na¹ son³nte³-vi⁴, c²oa⁴ tsa² to⁴t⁷a³ts⁷e⁴ nca³ qui³cha³-le⁴ cho⁴ta⁴ Israel, coi³ nca³ s⁷e⁴-le⁴ cjoa⁴nchi⁴na¹ cho⁴ta⁴ xi³ li² judío-jin², jo¹tjin¹-sa³ cjoa⁴nta³ xi³ s⁷e⁴-le⁴ c⁷ia⁴ nca³ coan⁴jnco³-ni³ cho⁴ta⁴ judío.

13 Jon² xi³ fa³cao⁴-no³ xi³ cho⁴ta⁴ xi³ li² judío-jin². Coi³ nca³ an³ nia¹³ xi³ pa²stro⁴-le⁴ cho⁴ta⁴ xi³ li² judío-jin², v⁷a³sje³je³ya²³ je² xa¹ xi³ tsa³c⁷ai²-na³,

14 tsa² to⁴jo³-s⁷in²ni³ cjoa⁴ coan⁴-na³ si³chi⁴nia³ je² xi³ xi²nquia⁴, tsa² c²oa⁴-ti⁴ coan⁴-na³ c²oa⁴sje³ntje² jnco³joa² xi³ je².

15 Tsa² je² xi³ qui³tsjion³con³-le⁴ Ni³na¹, tsa² coi³ cjoa⁴ je²-vi⁴ nca³ tsa³cjao²nta³-ni³ cho⁴ta⁴son³nte³ cao⁴ Ni³na¹, jme¹ xi³ coan⁴ c⁷ia⁴ nca³ tjo¹ve¹tjao² nca³ je², tsa² tsi² jo³-ni³ xi³ tjo¹ve¹tjao² cjoa⁴vi³jna³chon³ nca³jao³-le⁴ cjoa⁴vi³ya³.

16 Tsa² je² xi³ ti¹tjon² ntje⁴ xi³ v²ai²t²a³, tsje³ ni¹, c²oa^{4²-ti⁴ tsje³ nca³y¹i³je³. C²oa⁴ tsa² je² ja⁴ma⁴-ve⁴ tsje³ ni¹, c²oa^{4²-ti⁴ cjoan³ ya¹ntsja³-?ni³.}}

17 C²ia⁴ tsa² jnco³ jao² ya¹ntsja³ xi³ qui³ti³t²a³, c²oa⁴ ji³ ni¹ xi³ ya¹oliva xi³ jin³jñ¹a cji³ma³jchai¹³, ya^{4² ti³sen³jna³yai³ ?nte³-le⁴ nca³ je², c²oa⁴ ya^{4² tji¹cjao³coai⁴ ja⁴ma⁴ nca³ chjoai¹³ nca³n²ion¹-le⁴ ya¹oliva.}}

18 A³li² ch²a²sje³je³ya³-jin²lai⁴ yao³-li⁴ ya¹ntsja³ xi³ qui³ti³t²a³-ve⁴. C²oa⁴ tsa² ch²a²sje³je³ya³-lai⁴ yao³-li⁴, ca²ta³fa^{3²ai³tsjen³-li² nca³ tsi² tsa² coi³ ji³ xi³ v²ai²-lai⁴ nca³n²ion¹ ja⁴ma⁴-ve⁴, to⁴nca³ je² ja⁴ma⁴-ve⁴ xi³ tsjoa¹-li² nca³n²ion¹.}

19 Ji³ c²oa⁴-la² si³: Je² ya¹ntsja³ qui³ti³t²a³, jme¹-ni³ nca³ an³ coa²se⁴jna³ya³-nia³ ?nte³-le⁴.

20 Nta³ tjin¹. To⁴t²a³ts²e⁴ nca³ tsi² tsa² coan³cjain¹-le⁴ nca³ qui³ti³t²a³-ni³ nca³ je². To⁴nca³ ji³ to⁴t²a³ts²e⁴ nca³ ma³cjain¹-li², vi³sen²jna³n²ion¹-ni³. A³li² nc²a³ta³con²-jin² mai³, to⁴sa³ ti⁴jcon¹-lai⁴.

21 Nca⁴ tsa² Ni³na¹ li² coi³ tsa³c²chjoa²-le⁴ nca³ qui³s²e³-le⁴ cjoa⁴ñ²ain³ je² xi³ to⁴xa¹ ya¹ntsja³-ni³, c²oa^{4²-ti⁴ ji³ ni⁴?i⁴tse¹-jin² c²oe^{4²chjoa²-li² nca³ s²e⁴-li⁴ cjoa⁴ñ²ain³.}}

22 Cho¹tsen³-lai⁴ni³, je² cjoa⁴nta³-le⁴ c²oa⁴ je² cjoa⁴ta²ja³ta³con²-le⁴ Ni³na¹, je² cjoa⁴ta²ja³ta³con²-le⁴ xi³ t²a³ts²e⁴ je² xi³ qui³tsao³-ve⁴, to⁴nca³ je² cjoa⁴nta³-le⁴ Ni³na¹ xi³ t²a³tsi⁴, tsa² c²oa⁴-s²in² coi⁴jna³cao⁴-sai³ je² cjoa⁴nta³-ve⁴. C²oa⁴ tsa² mai³, c²oa⁴-ti⁴ ji³ coi⁴cha¹t²a³-li²ni³.

23 C²oa⁴ nta³ tsa² je² xi³c²a³, tsa² tsi² c²oa⁴-s²in² c²oe¹yo³cao⁴ nca³ tsi² ma³cjain¹-le⁴, sa⁴sen¹jna³ya³

?nte³-le⁴, nca⁴ Ni³na¹ tjin¹-le⁴ nca³n?ion¹ nca³ si⁴ca³sen¹jna³ya³ nqui²jnco³c²a² ?nte³-le⁴.

24 Tsa² ji³ xi³ qui³ti³t²ai³ je² ya¹oliva xi³ to⁴xa¹ cjoan³-ni³ jin³jñña¹, c²oa⁴ c²oa⁴-s²in² sa³sen¹jna³yai³ ?nte³-le⁴ xi³ nqui²sa⁴ nta³ ya¹oliva xi³ tsi² tsa² coi³ to⁴xa¹ cjoan³-ni³ jin³jñña¹, jo¹ tjin¹-sa³ je²-ve⁴ xi³ ñña³qui³ xa¹ cjoan³-ni³ ya¹ntsja³ ya¹-ve⁴ c²oa⁴-ti⁴ sa⁴sen¹jna³ya³ nqui²jnco³c²a² ?nte³-le⁴ ya⁴ ya¹oliva xi³ ts²e⁴.

Cho⁴ta⁴ Israel sa⁴co²-le⁴ cjoa⁴ma⁴ta³con²

25 Nca⁴ tsi²coi³ me³-na³, nts²e³, nca³ tsi² jchao⁴je² cjoa⁴ma³-ve⁴, jme¹-ni³ nca³ tsi² n?ion¹ nc²a³ta³con² coan⁴-si¹nio³ xi³ ti⁴t²a³tsaon⁴-nio³. Je² cjoa⁴ta²ja³ta³con² xi³ coan³c²a³-le⁴ cho⁴ta⁴ Israel, jo³ sa³nta³ nca³ cjoa⁴ coan⁴jnco³ nca³ts²i³ cho⁴ta⁴ xi³ li² judío-jin² xi³ cjoa⁴a³s²en³.

26 C²ia⁴ nca³ c²oa⁴-s²in² cjoa⁴ coan⁴-ve⁴, nca³ts²i³ cho⁴ta⁴ Israel coi⁴tjo³ntjai², jo³-s²in² tji¹t²a³: Ya⁴ Sión cjoa⁴n²choa³-ni³ xi³ c²oa⁴sje³ntjai², je² xi³ cjoa⁴a²xin²-le⁴ Jacobo cjoa⁴ xi³ tsi² ve³xcon¹ Ni³na¹.

27 Je²-vi⁴ cjoa⁴ xi³ c²oe³nta³coa⁴ c²ia⁴ nca³ cjoa³a³xian²³ je¹-le⁴.

28 C²oa⁴-s²in² xi³ t²a³ts²e⁴ je² en¹nta³ xi³ t²a³ts²e⁴ Cristo, co²ntran⁴ ma³-le⁴. Coi³ cjoa⁴ c²oa⁴coan³ xi³ t²a³tsaon⁴. To⁴-nca³ jo³-s²in² nca³ Ni³na¹ tsa³cja³a¹jin³, Ni³na¹ cjai¹nca³ tja²que³ nca³ je² xi³ t²a³ts²e⁴ n²ai³jcha¹cjin³-le⁴.

29 Nca⁴ li²coi³ coan⁴ c²oa⁴ntjai²ya³ cjoa⁴tja²le⁴ Ni³na¹ cao⁴ jo³-s²in² nca³ qui³nchja⁴-le⁴ Ni³na¹.

30 Jo³-s²in² nca³ c²oa⁴-ti⁴ jon²-vi⁴ c²ia⁴ li²coi³ qui³ni²tjo³son²-lao⁴ Ni³na¹, to⁴nca³ nt²ai⁴-vi⁴

qui³sa³co³-no³ cjoa⁴ma⁴ta³con² to⁴t⁷a³ts⁷e⁴ nca³
tsi² qui³si³tjo³son²-le⁴ nca³ je².

31 C⁷oa⁴-ti⁴s⁷in² je²-vi⁴ nt⁷ai⁴-vi⁴ li²coi³
qui³si³tjo³son²-le⁴, jme¹-ni³ nca³ c⁷oa⁴-ti⁴ je² sa⁴co²-
le⁴ cjoa⁴ma⁴ta³con² to⁴t⁷a³ts⁷e⁴ cjoa⁴ma⁴ta³con² xi³
qui³sa³co³-no³ nca³ jon².

32 Nca⁴ Ni³na¹ tsa³c⁷e¹yo³nqui³-le⁴ nca³ts⁷i³
nca³ tsi² tsa² qui³si³tjo³son²-le⁴, jme¹-ni³ nca³
coan⁴ma⁴que³-si¹ni³ nca³ts⁷i³.

33 Li² to⁴c⁷oa⁴cji³ tse³ tjin¹ cjoa⁴chji⁴ne⁴-le⁴ cao⁴
cjoa⁴t⁷i³sen³ta³con²-le⁴ Ni³na¹. Ni⁴ya³-jin² xi³ ma³-
le⁴ ma³cho⁴ya³-le⁴ jo³ tjin¹ cjoa⁴te¹xo³ma³-le⁴ Ni³na¹.
Ni⁴ya³-jin² xi³ ma³-le⁴ ve³ ntia⁴-le⁴.

34 ⁷ya¹ xi³ coan³cho⁴ya³-le⁴ cjoa⁴fa³?ai³tsjen³-le⁴
Nai³-na¹. A³xo⁴ ⁷ya¹ xi³ qui³tso²ya³-le⁴.

35 A³xo⁴ ⁷ya¹ xi³ ti¹tjon² qui³tsjoa³-le⁴ nca³ je²,
jme¹-ni³ nca³ coan³chji¹-si¹ni³le⁴.

36 Nca³yi³je³cjoa⁴ji³nchoa³-ni³ nca³ je². Nca³yi³je³
cjoa⁴ t⁷a³ts⁷e⁴ qui³s⁷e³nta. C⁷oa⁴ nca³yi³je³ cjoa⁴ tjo¹
t⁷a³ts⁷e⁴. Ca²ta³s⁷e³-le⁴ cjoa⁴je³ya³ nca³ je² to⁴jo³
tjin¹-ni³ ni⁴čhjin³. C⁷oa⁴ ca²ta³ma³.

12

Cjoa⁴ xi³ ma³chjen¹-le⁴ cho⁴ta⁴-le⁴ Cristo

1 C⁷oa⁴-s⁷in² nts⁷e³, c⁷oe³ts⁷oa²³-no³ xi³ to⁴t⁷a³ts⁷e⁴
cjoa⁴ma⁴ta³con²-le⁴ Ni³na¹, nca³ coi⁴ncha³va³saon³
yao³-no³ nca³ c⁷oai⁴t⁷a³-lao⁴ Ni³na¹ je² yao³-no³
jo³-ni³ jnco³ cjoa⁴tjao² xi³ ti¹jna³con³, xi³ tsje³,
xi³ sa³sen¹-le⁴ Ni³na¹. C⁷oa⁴-s⁷in² ma³chjen¹-lao⁴
Ni³na¹ cao⁴ ni⁴ma⁴-no³.

2 A³li² c²oa⁴-jin²s²in² ma³nquin¹cao⁴³ yao³-no³ jo³ tjin¹ cjoa⁴ son³?nte³-vi⁴. Ca²ta³v²a³ntjai²yao³ yao³-no³ nca³ coan⁴cho⁴tse⁴ya³nta³ nqui²jnco³c²a²-ni³ cjoa⁴fa³?ai³tsjen³-no³, jme¹-ni³ nca³ jcha⁴-si¹nio³ jme³-ni³ xi³ Ni³na¹ me³-le⁴, jñ³a³-le⁴ xi³ nta³, xi³ sa³sen¹-le⁴, xi³ ña³qui³tji¹jnco³.

3 C²oa⁴xin³-no³ nca³ jnco¹jnco¹ xi³ ti³yo³-vi⁴, xi³ to⁴t²a³ts²e⁴ cjoa⁴nta³ xi³ tsa³c²ai²-na³, nca³ tsi² ?ya³ xi³ nqui²sa⁴ n²ion¹ nc²a³ si²cja³?ai³tsjen³-le⁴ yao³-le⁴ cao⁴-ni³ tsa² xi³ jo³-s²in² nca³ va³quin²-le⁴, to⁴nca³ c²oa⁴-s²in² ca²ta³si¹cja³?ai³tsjen³jin³ nca³ ni⁴nc²a³-jin² c²oa⁴ ni⁴na³nqui³-jin² si⁴cja³?ai³tsjen³ xi³ t²a³ts²e⁴ yao³-le⁴, to⁴nca³ jo³-s²in² choa⁴ xi³ Ni³na¹ qui³tsjoa³-le⁴ nca³ jnco¹jnco¹ nca³ coan³cjain¹-le⁴.

4 Jo³-s²in² cjoan³ yao³-na¹ nca³ ncjin² jco⁴ya³ tjin¹-le⁴, to⁴nca³ nca³yi³je³ jco⁴ya³-le⁴ yao³-na¹ a³li² to⁴jnco³-jin² xa¹ tjin¹-le⁴ xi³ to⁴nco¹son².

5 C²oa⁴-s²in² xi³ to⁴t²a³ts²e⁴ Cristo to⁴jnco³ yao³ nia¹, nta³ tsa² ncjin² ma³-nia¹, to⁴nca³ nca³ts²ia³? nca³ jnco¹jncoa¹ xi¹ncjin¹ ma³-ni³ yao³-na¹.

6 C²oa⁴-s²in² cja⁴?ai¹-nca¹ cjoan³ cjoa⁴tjao²-le⁴ Espíritu Santo xi³ tjin¹-le⁴ nca³ jnco¹jnco¹. Jo³-s²in² qui³ts²ai²-le⁴ cjoa⁴nta³-le⁴, c²oa⁴-s²in² ca²ta³si¹chjen¹. Tsa² cjoa⁴tjao²-ve⁴ nca³ nchja⁴ya³jin³-ni³, ca²ta³si¹chjen¹ jo³-s²in² choa⁴-le⁴ nca³ ma³cjain¹-le⁴,

7 a³xo⁴ tsa² je² cjoa⁴tjao²-ve⁴ nca³ si¹xa¹, ca²ta³si¹chjen¹ jo³-s²in² v²ai²-le⁴ nca³ si¹xa¹, a³xo⁴ je² xi³ va³co¹ya³, c²oa⁴-s²in² ca²ta³si¹chjen¹ jo³-s²in² v²ai²-le⁴ nca³ va³co¹ya³.

8 Je² xi³ v²e¹t²ain³, ca²ta³si¹chjen¹ jo³-s²in² v²ai²-

le⁴ nca³ v⁷e¹t⁷ain³. Je² xi³ si¹c²a³vi¹ cjoa⁴tjao², c²oa⁴ca²ta³s⁷in¹ cao⁴ cjoa⁴nta³. Je² xi³ ma³ nca³jco⁴-le⁴, nta³ ca²ta³si¹coi²nta⁴. Je² xi³ ma³ma⁴que³, c²oa⁴ca²ta³s⁷in¹ cao⁴ cjoa⁴tsjao³.

⁹ Je² cjoa⁴tjao²cha³ xi³ ña³qui³ cjoa⁴qui²xi⁴ ca²ta³ma³. Ch⁷ao³cha³ ca²ta³mao³ xi³ ch⁷ao³ tjin¹, n⁷ion¹ ta³nquin¹t⁷a³-lao⁴ xi³ nta³ tjin¹.

¹⁰ Ca²ta³ma³tsjao³chao³ xi²nquio⁴ jo³-ni³ nca³nts⁷ao³. Nqui²sa⁴ ti¹tjon² jcha⁴xcon¹³ xi³c²a³ jo³-ni³tsa² ti⁴jon²-nio³.

¹¹ A³li² ts⁷e²-jion²³ xi³ n⁷iaon²³, ti⁴xi¹ti¹yao³, tsjao³cjoa⁴ ca²ta³mao³ cao⁴ Espíritu Santo, c²oa⁴jo³-ni³cho⁴nta³-s⁷in²ti⁴xa¹-lao⁴ Nai³-na¹.

¹² Cjoa⁴tsjao³ ca²ta³s⁷e³-no³ xi³ t⁷a³ts⁷e⁴ xi³cho³ya²-lao⁴, cjoa⁴tse³jta³ ca²ta³s⁷e³-no³ xi³ t⁷a³ts⁷e⁴ cjoa⁴ñ⁷ain³ xi³ti³chja³ao²³, t⁷e²ts⁷oa³ntsjao²³.

¹³ T⁷ai²-lao⁴ jme³ xi³ ma³chjen¹-le⁴ cho⁴ta⁴-le⁴ Cristo, t⁷ai²nte³-lao⁴ cho⁴ta⁴ xi³xin² fa³ai³-ni³.

¹⁴ Ti⁴chi³con³t⁷aon³ je² xi³ ch⁷ao³ fi²cao⁴-no³, ti⁴chi³con³t⁷ain³-nio¹³ a³li² no²cjoa⁴ aon³-jin²lao⁴.

¹⁵ Ti⁴tsjao³cao⁴ ⁷ya³ xi³ ma³tsjao³-le⁴, chji¹nta¹cao⁴ ⁷ya³ xi³ cji³nta¹.

¹⁶ To⁴jnco³ cjoa⁴fa³ai³tsjen³ ca²ta³s⁷e³jin³-no³ nca³jon², a³li² nc²a³con³-jin² mao³, to⁴nca³ mi²yo⁴ t⁷iaon⁴ cho⁴ta⁴yo⁴ma⁴, a³li² n⁷o²sje³nc²a³-jion²³ yao³-no³.

¹⁷ A³li² ch⁷ao³-jin² ni²cao⁴ je² xi³ ch⁷ao³ si¹cao⁴-no³, ti⁴coi²ntao⁴ xi³ nta³ tjin¹ nqui³xcon⁴ nca³ts⁷i³cho⁴ta⁴.

¹⁸ To⁴jo³ cji³ nca³yi³je³ xi³ coan⁴-no³, c²oa⁴t⁷iaon⁴ jme¹-ni³ nca³ nch⁷an¹ coi⁴yo³-si¹nio³ cao⁴ nca³ts⁷i³

cho⁴ta⁴.

¹⁹ Jon² xi³ tsjoa³que⁴-no³, a³li² ni²jnta²-jin²nio³ nca³ ti⁴jon²-nio³, to⁴nca³ t⁷ai²nte³-lao⁴³ Ni³na¹ cao⁴ cjoa⁴ti³-le⁴, nca³ c⁷oa⁴-s⁷in² tji¹t⁷a³: An³ xi³ si³jnta²³-nia³, an³ c⁷oe³chji¹-nia³, tso² Nai³-na¹.

²⁰ Tsa² co²ntran⁴-li⁴ xi³ vao³-le⁴, ti⁴cjain²³. C⁷ia⁴ tsa² fa³ti²-le⁴, t⁷ai²-lai⁴ xi³ sc⁷oi¹. Tsa² c⁷oa⁴n⁷iain²³, vi³ncha³nto³soin²³ jco⁴ co²ntran⁴-li⁴ xo¹l⁷i¹-ve⁴.

²¹ A³li² je²-jin² si⁴qui³njen³-li² xi³ ch⁷ao³ tjin¹-ve⁴, to⁴-nca³ ti⁴qui³njen³-lai⁴ xi³ ch⁷ao³ tjin¹ xi³ to⁴t⁷a³ts⁷e⁴ xi³ nta³ tjin¹.

13

¹ Nca³ts⁷i³ cho⁴ta⁴ ca²ta³si¹tjo³son²-le⁴ cho⁴ta⁴ xi³ xa¹ tjin¹-le⁴, xi³ va³te¹xo³ma³, nca³ tsin² cjoa⁴te¹xo³ma³-jin² xi³ tsi² tsjoa¹nte³ Ni³na¹, c⁷oa⁴ je² xi³ tjo¹, Ni³na¹ qui³si³qui³ncha¹.

² C⁷oa⁴-s⁷in² je² cho⁴ta⁴ xi³ v⁷e²yo³ta²ja³cao⁴ cho⁴ta⁴ xi³ xa¹ tjin¹-le⁴, v⁷e²yo³ta²ja³cao⁴ cjoa⁴te¹xo³ma³-le⁴ Ni³na¹, c⁷oa⁴ je² xi³ v⁷e²yo³ta²ja³-ve⁴ni³, ti⁴je² tjo¹ve¹-le⁴ cjoa⁴ñ⁷ain³ yao³-le⁴.

³ Je² xi³xa¹tjin¹-le⁴, a³li²coi³-jin²xa¹tjin¹-le⁴ nca³ si¹qui³ncha¹xcon¹ cho⁴ta⁴ xi³ nta³ s⁷in¹, to⁴nca³ je² xi³ ch⁷ao³ s⁷in¹. A³ me³-li²ni³ nca³ li²coi³ coi⁴jcon¹-lai⁴ cho⁴ta⁴xa¹-ve⁴. C⁷oa⁴t⁷iain⁴ xi³ nta³ tjin¹, c⁷oa⁴ c⁷oa⁴sje³nta³-li²ni³.

⁴ Nca⁴ je² cho⁴ta⁴xa¹ si¹xa¹-le⁴ Ni³na¹ nca³ nta³ coi⁴jna³-ni³ nca³ ji³. C⁷ia⁴ tsa² ji³ xi³ ch⁷ao³ s⁷iain⁴, ti⁴jcon¹-lai⁴, nca³ tsi² tsa² to⁴cjoa⁴tjao²-jin² y⁷a³ je² qui⁴cha⁴, nca³ je² xi³ si¹xa¹-le⁴ Ni³na¹, xi³ si¹jnta²-le⁴, xi³ tsjoa¹-le⁴ cjoa⁴ñ⁷ain³ xi³ ch⁷ao³ s⁷in¹.

5 Coi³ nca³ ma³chjen^{1-ni¹} nca³ na³nqui³ ti⁴yo³-lao⁴³, a³li² tsa² to⁴coi³-jin² nca³ li²coi³ ti⁴cjoa⁴ñ²ain³ s⁷e⁴-ni³no³, to⁴nca³ c⁷oa⁴-ti⁴ t⁷a³ts⁷e⁴ cjoa⁴fa³?ai³tsjen³-no³.

6 Nca⁴ coi³ cjoa⁴-vi⁴ nca³ c⁷oe¹chji¹ntjao²³, nca³ je² cho⁴ta⁴xa¹ to⁴xa¹ tgio¹-ni³le⁴ Ni³na¹ nca³ nta³ si¹coi²nta⁴ xi³ ti⁴coi³-ni³ cjoa⁴je²-vi⁴.

7 T⁷e²chji¹-lao⁴³ nca³ts²i³ xi³ qui³tjen⁴-no³ ts⁷e⁴, tsa² taon⁴sa¹ t⁷e²chji¹-lao⁴³ taon⁴sa¹-no³, tsa² taon⁴va³sen³ ni¹, t⁷e²chji¹-lao⁴³ taon⁴va³sen³-no³, tsa² je² xi³ va³quin²-le⁴ cjoa⁴xcon¹ta³con², t⁷ai²-lao⁴³ cjoa⁴xcon¹ta³con², tsa² je² xi³ va³quin²-le⁴ cjoa⁴n⁷o²sje³nta³, t⁷ai²-lao⁴³ cjoa⁴n⁷o²sje³nta³.

8 Ni⁴to⁴jme³-jin² xi³ qui³tjen⁴-no³ cao⁴ ?ya³-ni³ve⁴, to⁴je²-jin² cjoa⁴tjao²cha³ nca³ ma³tsjoa³chao³ xi²nquio⁴³. Je² xi³ tsjao³que³ xi¹ncjin¹, je² xi³ si¹qui³tjo³son² cjoa⁴te¹xo³ma³.

9 Je² cjoa⁴te¹xo³ma³ xi³ tso²: A³li² cha³jnqui³t⁷a³-jin² mai³, a³li² ni²c⁷en³-jin², a³li² ni²che¹-jin², a³li² en¹nti³so³-jin² no²cjoai⁴, a³li² ma³xin²ta³con²cha³-jin². C⁷ia⁴ tsa² tjin¹-sa³ nqui²jnco³ xi³ cja⁴?ai¹ cjoa⁴te¹xo³ma³, i⁴² ti¹nchja⁴yi³je³ cjoa⁴te¹xo³ma³ je²-vi⁴: Tsjao³cha³ ca²ta³mai³ xi²nqui⁴ jo³-ni³ tsa² ti⁴ji³-ni³.

10 Je² cjoa⁴tjao²cha³ a³li² ch⁷ao³-jin² si¹cao⁴ xi¹ncjin¹. C⁷oa⁴²-s⁷in², je² xi³ si¹jnco³ cjoa⁴te¹xo³ma³, je² xi³ cjoa⁴tjao²cha³.

11 C⁷oa⁴-ti⁴ ?ya³² jme³ ni⁴čhjin³-ni³ nt⁷ai⁴-vi⁴, nca³ je² coi³ hora nca³ coi⁴so¹tjen⁴-le⁴² ni³jña¹-na¹. Nca⁴ nt⁷ai⁴-vi⁴ntai⁴ nqui²sa⁴ ti¹jna³čhian³-na¹ nca³ coi²tjo⁴ntje² cao⁴-ni³ tsa² c⁷ia⁴ nca³ ti¹tjon²

coan³cjain¹-na¹.

¹² Ni⁴tjen⁴ je³fa³a³to³-ni¹, c⁷oa⁴ je³nčhoa¹čhian³ ni⁴čhjin³. Chja⁴a²xian² tso²c⁷oa⁴ xa¹ xi³ tjin¹ jñā³ njion²chon³, c⁷oa⁴ ch⁷a⁴cja¹ na³jñō³qui⁴cha⁴ xi³ ts⁷e⁴ jñā³ i³sen³.

¹³ Nta³ coan³nquin¹coa⁴ yao³-na¹ jo³-s⁷in² xi³ cjoa⁴qui²xi⁴ jo³-s⁷in² v⁷e²ma³² nca³ ni⁴čhjin³. A³li²coi³ cjoa⁴chi⁴nca⁴ cao⁴ cjoa⁴ch⁷i⁴ coi⁴tso⁴ma³jian³². A³li²coi³ ya¹nchjin¹ cjoa¹jta³² cao⁴ xi³ to⁴xquia⁴ n⁷ian² cao⁴ yao³-na¹. A³li²coi³ coi⁴xcan³coa⁴ xi²nquia⁴². A³li²coi³ coan⁴xin²ta³con² jcha⁴ xi²nquia⁴².

¹⁴ To⁴nca³ c⁷oa⁴-s⁷in² ca²ta³mao³ jo³ cjoan³ Nai³-na¹ Jesucristo. A³li² to⁴nqui³-jin²ni³ v⁷e²nta³-lao⁴³ yao³-no³ nca³ si⁴tjo³son²-lao⁴³ jo³ tso² xi³ me³-le⁴ yao³-no³.

14

Xi³t⁷a³ts⁷e⁴cho⁴ta⁴xi³ma³cjain¹-le⁴to⁴nca³xi³cje³ tsm²-sa³le⁴nca³n⁷ion¹

¹ Chjoe¹tjaō²yao³ cho⁴ta⁴ xi³ ma³cjain¹-le⁴, to⁴nca³ xi³ cje³ tsin²-sa³le⁴ nca³n⁷ion¹. Li²coi³ coi⁴xcan³cao⁴³ cjoa⁴fa³?ai³tsjen³-le⁴.

² Jnco³ cho⁴ta⁴ ma³cjain¹-le⁴ nca³ ma³ cji³ne³yi³je³ tso³-jmi², c⁷oa⁴ xi³ nqui²jnco³ xi³ tsin²-le⁴ nca³n⁷ion¹-jin² to⁴?nti¹xca⁴ cjen².

³ Je² xi³ cjen², a³li²v⁷a³sje³nqui³-jin²je² xi³ tsi²coi³ cjen². C⁷oa⁴ je² xi³ tsi²coi³ cjen², a³li²ve³sin³-jin²je² xi³ cjen², nca⁴ Ni³na¹ xi³ qui³scoe¹tjaō².

⁴ ?ya¹-ni³ ji³ nca³ ?ya³sin³-ni³ cho⁴?nta³ xi³ ts⁷e⁴ xi³ cja⁴-?ai¹. T⁷a³ts⁷e⁴ xi³ ña³qui³ ts⁷e⁴ nai³-le⁴ nta³

ti¹jna³ a³xo⁴ sca⁴nqui³-je⁴. To⁴nca³ ña³qui³ nta³ si⁴c²e¹jna³, nca⁴ je² Nai³-na¹ ma³-le⁴ si⁴c²e¹jna³nta³ nca³ je².

5 Jnco³ xi³ cja⁴?ai¹-nca¹s⁷in² ve³con³ ni⁴čhjin³, to⁴nca³ xi³ cja⁴?ai¹ to⁴nco¹son² ve³con³ nca³ntsjai² ni⁴čhjin³. Nca³ jnco¹jnco¹ ña³qui³ ca²ta³s⁷e³jnco³ta³con².

6 Je² xi³ cjoa⁴-le⁴ ni⁴čhjin³ v⁷a³, c²oa⁴s⁷in¹ t⁷a³ts⁷e⁴ Nai³-na¹, c²oa⁴ je² xi³ tsi² cjoa⁴-le⁴ ni⁴čhjin³ v⁷a³ c²oa⁴-ti⁴s⁷in¹ t⁷a³ts⁷e⁴ Nai³-na¹. Je² xi³ cjen², cjen² t⁷a³ts⁷e⁴ Nai³-na¹, nca⁴ tsjоa¹-le⁴ cjoa⁴nta³ Ni³na¹. C²oa⁴ je² xi³ tsi²coi³ cjen², c²oa⁴-ti⁴ t⁷a³ts⁷e⁴ Nai³-na¹ li²coi³ cjen², c²oa⁴ tsjоa¹-le⁴ cjoa⁴nta³ Ni³na¹.

7 Nca⁴ ni⁴jnco³-jin² xi³ ña¹-vi⁴, xi³ ti¹jna³con³ xi³ ti⁴t⁷a³ts⁷e⁴-ni³ yao³-le⁴, c²oa⁴ ni⁴jnco³-jin² xi³ vi³ya³ xi³ ti⁴t⁷a³ts⁷e⁴-ni³ yao³-le⁴.

8 Tsa² ti³yo³chon³-nia¹, to⁴t⁷a³ts⁷e⁴ Nai³-na¹ nca³ ti³yo³choan³². Tsa² vi³ya³², to⁴t⁷a³ts⁷e⁴ Nai³-na¹ nca³ vi³ya³². C²oa⁴-s⁷in²tsa² vi³yo³chon³-nia¹ a³xo⁴ vi³ya³-nia¹, ts⁷e⁴ nia¹ Nai³-na¹.

9 Cristo coi³ cjoa⁴-vi⁴ c²en³-ni³, c²oa⁴ ja³?a²ya³-ni³le⁴, c²oa⁴tsa³c²e²jna³con³ nqui²jnco³c²a²-ni³, jme¹-ni³ nca³ Nai³-le⁴ coan⁴-si¹ni³ xi³ c²en³ c²oa⁴ xi³ tji¹con³.

10 To⁴nca³ ji³, a¹-ni³ nca³ nts⁷ai³ ?ya³sin³-si¹ni³. A³xo⁴ c²oa⁴-ti⁴ ji³, a¹-ni³ nca³ nts⁷ai³ n⁷o²sje³nqui³-si¹ni³. Nca⁴ nca³ts⁷ia³² coi⁴yoa³² nqui³xcon⁴ cjoa⁴te¹xo³ma³-le⁴ Cristo.

11 Nca⁴ c²oa⁴-s⁷in² tji¹t⁷a³: Tso² je² Nai³-na¹ve⁴: Jo³-s⁷in² cjoa⁴qui²xi⁴ nca³ ti²jna⁴coan³, coi⁴ncha¹-na³ xco¹nch⁷in³-le⁴ nca³ts⁷i³ cho⁴ta⁴, c²oa⁴

si⁴qui²xi⁴ya³nta³ Ni³na¹ nca³ts⁷i³ cho⁴ta⁴.

12 C⁷oa⁴-s⁷in² nca³ts⁷ia³²-vi⁴ c⁷oai⁴-le⁴² coi²nta⁴ Ni³na¹ xi³ ti⁴t⁷a³ts⁷e⁴ yao³-na¹ni³ nca³jnco¹jncoa¹.

13 C⁷oa⁴-s⁷in² a³li²coi³ ti⁴jcha⁴sin³-sa³nia³² xi²nquia⁴², to⁴sa³ ti⁴cja³⁷ai³tsjaon³ nca³ tsi² c⁷oe¹jnao³ xi³ sa⁴te¹nqui³ nts⁷ao³, a³xo⁴ tsi² si⁴ca³jnquo³ je¹ nts⁷ao³.

14 An³ ve³-nia¹³, c⁷oa⁴ nta³ ve³coan³ nca³ ti²jna⁴coa⁴ Nai³-na¹ Jes³ús, nca³ ni⁴jme³-jin² xi³ tjin¹ xi³ ch⁷ao³ tjin¹ nca³ ti⁴je²-ni³, to⁴nca³ je² xi³ si¹cja³⁷ai³tsjen³ nca³ ch⁷ao³ tjin¹ to⁴jme³ cjoa⁴-ni³ve⁴, t⁷a³ts⁷e⁴ ch⁷ao³ tjin¹-ni³.

15 To⁴nca³ tsa² coi³ cjoa⁴-le⁴ xi³ ma³ vi³chi³-ni³ je² nts⁷ai³ aon³ ma³-le⁴, ji³ a³li²coi³ ti⁴to²mjen³cao⁴-ni³ cjoa⁴tjao²cha³. A³li² ni²qui³tson¹-jin² nts⁷ai³ cao⁴ xi³ vi³chi³-ni³ve⁴, j³na³-le⁴ xi³ Cristo c⁷en³ t⁷a³ts⁷e⁴.

16 A³li² no²cjoa⁴aon³-jin²le⁴ xi³ nta³ tjin¹ t⁷a³tsaon⁴³.

17 Je² cjoa⁴te¹xo³ma³-le⁴ Ni³na¹ a³li² to⁴xquia⁴ tso³jmi² xi³ chi³ne³, ni⁴xi³ yo²-jin², to⁴nca³ xi³ cjoa⁴qui²xi⁴, xi³ nch⁷an¹ tjin¹, cao⁴ xi³ cjoa⁴tsjoa³ tjin¹-ni¹ xi³ t⁷a³ts⁷e⁴ Espíritu Santo.

18 Je² xi³ c⁷oa⁴-s⁷in² si¹xa¹-le⁴ Cristo jo³-ni³ cho⁴nta³, sa³sen¹con³-le⁴ Ni³na¹, c⁷oa⁴ nta³ vi³tjo³ nqui³xcon⁴ cho⁴ta⁴.

19 C⁷oa⁴-s⁷in² cjoin³tjen⁴nqui³-le⁴² cjoa⁴ xi³ si¹qui³njen³nch⁷an¹jin³-na¹, c⁷oa⁴-ti⁴ je² xi³ si¹quin³nc⁷a³ xi¹ncjin¹.

20 A³li² t⁷a³ts⁷e⁴ tso³jmi² xi³ ma³vi³chi³-ni³jin² si⁴qui³xo¹ya³-ni³ je² xa¹ xi³ s⁷in¹ Ni³na¹. Nca³yi³je³ cjoa⁴ ña³qui³ tsje³-ni¹, to⁴nca³ ch⁷ao³ tjin¹ t⁷a³ts⁷e⁴

cho⁴ta⁴ xi³ si⁴ca³te¹-nqui³ xi³c²a³ xi³ to⁴t⁷a³ts⁷e⁴ nca³cjen².

21 Nta³ tjin¹ nca³ tsi² tsa² yao³ chi³nai³, ni⁴y²-jin² xan¹, c²oa⁴ ni⁴jme³-jin² xi³ n⁷iain²³ xi³ sa⁴te¹nqui³ nts⁷ai³, xi³ si⁴ca³jnqui³ je¹, a³xo⁴ xi³ si⁴ts⁷nta³jin³ nca³je².

22 Je² xi³ jo³-s⁷in² ma³cjain¹-li² ca²ta³ma³cjain¹-li² xi³ti⁴t⁷a³tsi⁴-ni³nqui³xcon⁴Ni³na¹. Jo¹to⁴nta³-le⁴xi³ tsi²v⁷e¹ne²-le⁴je¹ yao³-le⁴cao⁴xi³co³son²-ni³le⁴nca³ nta³tjin¹.

23 To⁴nca³je²xi³jao²tjin¹-sa³con², tsa²coa⁴cjen⁴, cjoa⁴n⁷ain³tjin¹ne²-le⁴, nca³tsa³cjen²nta³tsa²tsi² c²oa⁴-s⁷in²coan³cjain¹-le⁴. C²oa⁴je²nca³yi³je³xi³s⁷ian⁴, c²oa⁴tsa²tsi²c²oa⁴-s⁷in²coan⁴cjain¹-na¹, je²xi³je¹-ni³.

15

1 C²oa⁴-s⁷in² ña¹-vi⁴ xi³ tjin¹-na¹ nca³n⁷ion¹, tjin¹ne²-na¹ nca³coi⁴ncha³coa⁴² cjoa⁴i³nta³jin³-le⁴ xi³tsin²-le⁴ nca³n⁷ion¹-jin², c²oa⁴li²coi³si⁴tsjоa³ya³-le⁴ yao³-na¹ xi³ti⁴ñia¹-nia³².

2 Nca³ jnco¹jncoa¹-vi⁴ si⁴tsjоa³ya³-le⁴ xi²nquia⁴ xi³t⁷a³-ts⁷e⁴ nca³nqui²sa⁴nta³coan⁴-le⁴ c²oa⁴nca³coin⁴nc²a³-sa³.

3 Nca⁴ Cristo li²coi³ti⁴je² qui³si³tsjоa³ya³-ni³le⁴ yao³-le⁴, to⁴nca³jo³-s⁷in²tji¹t⁷a³: Je²en¹xi³ch⁷ao³ tso², xi³ts⁷e⁴je²xi³ch⁷ao³qui³tso²-li², qui³sca³son²-na³an³.

4 Je² cjoa⁴ qui³chji³t⁷a³ nca³s⁷a⁴, qui³chji³t⁷a³ xi³t⁷a³ts⁷e⁴ nca³coa⁴co²ya³-na¹, jme¹-ni³ nca³s⁷e⁴-si¹ni³na¹ cjoa⁴cho³ya²cao⁴cjoa⁴ xi³to⁴t⁷a³ts⁷e⁴

cjoa⁴tse³jta³ cao⁴ cjoa⁴ni²je³ta³con² xi³ tjin¹-le⁴ xon⁴
Escrituras.

⁵ To⁴nca³ je² Ni³na¹ xi³ tsjoa¹ cjoa⁴tse³jta³ cao⁴ cjoa⁴ni²je³ta³con², c⁷oa⁴ ca²ta³tsjoa¹-no³ nca³ to⁴jnco³ cjoa⁴fa³?ai³tsjen³ ca²ta³s⁷e³jin³-no³, jo³-s⁷in² qui³tso² Cristo Jesús,

⁶ jme¹-ni³ nca³ to⁴jnco³ coan⁴-si¹nio³, nca³ to⁴jnco³ cjoa¹jtao³ nca³ ch⁷a⁴sje³je³yao³ Ni³na¹-le⁴ c⁷oa⁴ N²ai³-le⁴ je² Nai³-na¹ Jesucristo.

*Je² en¹nta³ xi³ t⁷a³ts⁷e⁴ Cristo c⁷oa⁴-ti⁴ s⁷e⁴-le⁴
cho⁴ta⁴ xi³ li²judío-jin²*

⁷ Coi³ cjoa⁴ nca³ c⁷oa⁴-s⁷in² chjoe¹tjao² xi²nquio⁴, jo³-s⁷in² nca³ Cristo qui³scoe¹tjao²-na¹ xi³ t⁷a³ts⁷e⁴ cjoa⁴je³ya³-le⁴ Ni³na¹.

⁸ C⁷oa⁴xin³-nia³ nca³ Cristo Jesúus coan³ cho⁴nta³-le⁴ cho⁴ta⁴ xi³ ts⁷e⁴ cjoa⁴circuncisión xi³ t⁷a³ts⁷e⁴ cjoa⁴qui²xi⁴-le⁴ Ni³na¹, jme¹-ni³ nca³ c⁷oe⁴jnco³-si¹ni³ je² cjoa⁴ xi³ Ni³na¹ qui³si³s⁷e³nqui³-le⁴ n⁷ai³jcha¹cjin³-na¹,

⁹ c⁷oa⁴ jme¹-ni³ nca³ je² cho⁴ta⁴ xi³ li²judío-jin² c⁷oa⁴sje³je³va³-si¹ni³ Ni³na¹ t⁷a³ts⁷e⁴ cjoa⁴ma⁴ta³con²-le⁴, jo³-s⁷in² tji¹t⁷a³: Coi³ nca³ an³ si³qui²xi⁴ya³nta³ t⁷a³tsi⁴ ja⁴jin³-le⁴ cho⁴ta⁴ xi³ li²judío-jin², c⁷oa⁴ se³ya²nta³ t⁷a³ts⁷e⁴ jan³ain¹-li⁴.

¹⁰ C⁷oa⁴ nqui²jnco³c⁷a² tso²: Ca²ta³ma³tsjoa³ya³-no³ xi³ cho⁴ta⁴ xi³ li² judío-jin², cao⁴ na⁴xi⁴na³nta¹-le⁴ Ni³na¹.

¹¹ C⁷oa⁴ nqui²jnco³c⁷a² tso²: Ch⁷a⁴sje³ntao³ Nai³-na¹ nca³ts⁷io³ xi³ cho⁴ta⁴ xi³ li² judío-jin², c⁷oa⁴ nca³ts⁷i³ na⁴xi⁴na³nta¹ ch⁷a⁴sje³je³yao³ Ni³na¹.

12 C'oa⁴ nqui²jnco³c'a² tso² Isaías: Jts⁷en¹-le⁴ Isaí cjoī⁴nčhoa³-ni¹, c'oa⁴ je² xi³ coi⁴so¹tjen⁴ nca³ coa⁴te²xo³ma³-le⁴ cho⁴ta⁴ xi³ li² judío-jin². Je² cho⁴ta⁴ xi³ li² judío-jin² sco¹ya³cao⁴cjoa⁴-le⁴ nca³je².

13 C'oa⁴ je² Ni³na¹ xi³ tsjоa¹ cjoa⁴cho³ya²cao⁴cjoa⁴, ca²ta³si¹tse³-no³ cao⁴ nca³yi³je³ cjoa⁴tsjоa³, c'oa⁴ cao⁴ cjoa⁴nch⁷an¹ta³con² nca³ ma³cjain¹-no³, jme¹-ni³ nca³ coan⁴ncjin²ya³-si¹ni³no³ cjoa⁴cho³ya²cao⁴cjoa⁴ xi³ to⁴t⁷a³ts⁷e⁴ nca³n⁷ion¹-le⁴je² Espíritu Santo.

14 To⁴nca³ ña³qui³ tjin¹jnco³coan³ xi³ t⁷a³tsaon⁴, nts⁷e³, nca³ ti⁴jon²-nio³ n⁷ion¹ ma³tse³-no³ cjoa⁴nta³, tjin¹yi³je³-no³ cjoa⁴fa³ai³tsjen³, c'oa⁴-ti⁴ coan⁴-no³ c'oin¹ya³-lao⁴ xi²-nquiero⁴.

15 To⁴nca³ coan³n⁷ion¹coan³ nca³ jnco³jao² c'a² qui³squi³-no³, nts⁷e³, jo³-s⁷in² nca³ qui³si³cja³ai³tsjen³-no³, nca⁴ c'oa⁴-s⁷in² Ni³na¹ qui³tsjоa³-na³ je² cjoa⁴nta³.

16 Nca³ an³ coan³cho⁴nta³-le⁴ Jesucristo t⁷a³ts⁷e⁴ cho⁴ta⁴ xi³ li² judío-jin², nca³ si³xa¹coa⁴ en¹nta³-le⁴ Ni³na¹, jme¹-ni³ nca³ je² cjoa⁴tjao² xi³ tsjоa³t⁷a³, xi³ coi³ cho⁴ta⁴ xi³ li² judío-jin², sa⁴sen¹con³-ni³le⁴ Ni³na¹, nca³ coan³tsje³ cao⁴ je² Espíritu Santo.

17 Jo³-s⁷in² ti²jna⁴coa⁴ Cristo Jesús, tjin¹-na³ jme³ xi³ c'oa³sje²je³ya³-nia³ yao³-na⁴ ja⁴t⁷a³ts⁷e⁴ xa¹-na⁴ xi³ t⁷a³ts⁷e⁴ Ni³na¹.

18 Li²coi³ coan⁴n⁷ion¹coan³ nca³ coi³nchja²³ to⁴jme³ cjoa⁴-ni³, to⁴je² cjoa⁴ xi³ Cristo qui³si³nta³ xi³ to⁴t⁷a³ts⁷an⁴ cao⁴ en¹ c'oa⁴ cao⁴ xa¹, jme¹-ni³ nca³ cho⁴ta⁴ xi³ li² judío-jin² si⁴2cji³tjo³son²-si¹ni³le⁴.

19 Qui³si³xa¹³ cao⁴ nca³n⁷ion¹-le⁴ cjoa⁴xcon¹ cao⁴

choa⁴, c⁷oa⁴ cao⁴ nca³n⁷ion¹-le⁴ je² Espíritu Santo xi³ ts⁷e⁴ Ni³na¹. C⁷oa⁴-s⁷in² tsa³ca²sen⁴ts⁷ia³cao⁴-nia³ ya⁴Jerusalén, c⁷oa⁴ xi³cao⁴ya⁴ntai³-le⁴sa³nta³ya⁴ Ilírico, je³coan³jnco³-na³ nca³ qui³si³c⁷a³tji³vi¹soan²³ nca³qui³jnta² je² en¹nta³ xi³ t⁷a³ts⁷e⁴ Cristo.

20 C⁷oa⁴-s⁷in² nca³ ts⁷a³sje³ nca³n⁷ion¹-na⁴ nca³ qui³nchja²ya³ je² en¹nta³-ve⁴, a³li² ya⁴-jin² jña³ nca³ je³qui³no²cjoa⁴jan³ain¹-le⁴ Cristo, jme¹-ni³ nca³tsi² si⁴quin³son²-si¹nia³ čhjao¹ja⁴ma⁴ xi³ts⁷e⁴ xi³ cja⁴ai¹.

21 To⁴nca³ jo³-s⁷in² tji¹t⁷a³: Je² xi³ tsi²coi³ qui³no²cjoa⁴ya³jin³-le⁴ t⁷a³ts⁷e⁴ Cristo, scoe⁴-ni¹. C⁷oa⁴ je² xi³tsi²tsa² qui³nčh²oe¹, coan⁴cho⁴ya³-le⁴.

Pablo me³-le⁴ nca³ coai⁴ya⁴ Roma

22 Coi³ cjoa⁴-vi⁴ nca³ ncjin² c⁷a³ qui³s⁷e³chjoa²-na³ nca³ cjoa²ai⁴con³-no³ nca³jon²tsa²cai³.

23 To⁴nca³ nt⁷ai⁴-vi⁴ntai⁴ tsin²-sa³na³ ?nte³ nca³ si³xa¹³ i⁴ ?nte³ je²-vi⁴, c⁷oa⁴ coan³ ncjin² no¹jan¹ nca³ coan³me³-na³ nca³ qui³con³-no³.

24 Coi³ cjoa⁴ c⁷ia³-la³ nca³ cjoia¹³ España, cjoi¹con³-no³ nca³ jon², nca³ tjin¹-na³ cjoa⁴cho³ya²cao⁴cjoa⁴ nca³ cjoa²a⁴ co³tsen³to³-no³, c⁷oa⁴ coi⁴ncha³cao⁴-nao¹³ nca³jon² nca³ cjoia¹³ ya⁴-jan¹, c⁷ia⁴ nca³ ti¹tjon² ca²ma³tsjoa³ya³ jnco³tjo²-na³ cao⁴jon².

25 To⁴nca³ nt⁷ai⁴-vi⁴ ti²fi³-nia¹³ ya⁴Jerusalén nca³ coa²sen⁴coa⁴ cho⁴ta⁴-le⁴ Cristo.

26 Nca⁴ ya⁴ Macedonia cao⁴ ya⁴ Acaya coan³tsjoa³-le⁴ nca³ qui³tsjoa³ taon⁴ xi³ t⁷a³ts⁷e⁴ cho⁴ta⁴yo⁴ma⁴ xi³ ts⁷e⁴ cho⁴ta⁴-le⁴ Cristo xi³ tgio¹ ya⁴Jerusalén.

27 Nta³ coan³tsjoa³-le⁴ nca³ c⁷oa⁴qui³s⁷in³, c⁷oa⁴ qui³tjen⁴-le⁴ xi³ ts⁷e⁴. Tsa² cho⁴ta⁴ xi³ li² judío-jin² c⁷oa⁴-ti⁴ ts⁷a³cao⁴t⁷a³-le⁴ cjoa⁴nta³ xi³ ts⁷e⁴ Espíritu Santo, c⁷oa⁴-ti⁴ tjin¹ne²-le⁴ nca³ je² nca³ coi⁴ncha³cao⁴ tso³jmi²-le⁴ son³nte³-vi⁴.

28 C⁷oa⁴-s⁷in²c⁷ia⁴ nca³ cjoe⁴ si³jncoa³ cjoa⁴ je²-vi⁴, c⁷oa⁴c⁷ia⁴ nca³ cjoe⁴ si³c⁷a³s⁷en³-le⁴ je² cjoa⁴tjao²-vi⁴ je²-vi⁴, c⁷ia⁴ cjoa²a⁴to³-no³ nca³ cjoia¹³ ya⁴ España.

29 C⁷oa⁴ ve³-nia¹³ c⁷ia⁴ nca³ cjo³cho³con³-no³, cjo³cho²cao⁴-nia¹³ xi³ n⁷ion¹ tse³ cjoa⁴nta³ xi³ ts⁷e⁴ en¹nta³ t⁷a³ts⁷e⁴ Cristo.

30 To⁴nca³ v⁷e³ts⁷oa²³-no³ nts⁷e³, xi³ to⁴t⁷a³ts⁷e⁴ Nai³-na¹ Jesucristo, c⁷oa⁴ xi³ to⁴t⁷a³ts⁷e⁴ cjoa⁴tjao²cha³-le⁴ Espíritu Santo, nca³ to⁴jnco³ cao⁴ an³ n⁷ion¹ v⁷ao²³ nca³n⁷ion¹-no³ nca³ v⁷e²ts⁷oa³-lao⁴³ Ni³na¹ xi³ t⁷a³ts⁷an⁴,

31 jme¹-ni³ nca³ coi²tjo⁴ntjai²-si¹nia³ t⁷a³ts⁷e⁴ cho⁴ta⁴ xi³ tsi²coi³ ma³cjain¹-le⁴ xi³ tji¹ ya⁴ Judea, c⁷oa⁴ jme¹-ni³ nca³ je² cjoa⁴tjao²-le⁴ xa¹-na⁴vi⁴ t⁷a³ts⁷e⁴ cho⁴ta⁴-le⁴ Cristo xi³ tji¹ ya⁴ Jerusalén sa⁴sen¹-si¹ni³le⁴,

32 c⁷oa⁴ jme¹-ni³ nca³ cao⁴ cjoa⁴tsjoa³ cjo³cho³con³-si¹ni³no³ nca³ jon² jo³-s⁷in² me³-le⁴ Ni³na¹, c⁷oa⁴ jme¹-ni³ nca³ c⁷oa⁴-s⁷in² to⁴jnco³ c⁷oai⁴nca³n⁷ion¹-si¹ni³nao¹³ nca³ jon².

33 Je² Ni³na¹ xi³ si¹qui³njen³nch⁷an¹jin³-na¹ ca²ta³v⁷e²jna³cao⁴-no³ nca³ts⁷io³. C⁷oa⁴ ca²ta³ma³.

16

Pablo si¹ti²nta³cho⁴ta⁴

1 To⁴nca³ v⁷e³t⁷ain²³-no³ xi³ t⁷a³ts⁷e⁴ Febe je² ti²chja³², je² xi³ si¹xa¹-le⁴ cho⁴ta⁴-le⁴ Cristo xi³ tgio¹ ya⁴ Cencrea.

2 Ti⁴sin³-ni³lao⁴³ jo³-ni³ tsa² xi²nquio⁴³ t⁷a³ts⁷e⁴ Nai³-na¹, jo³-s⁷in² nca³ va³quin²-no³ xi³ cho⁴ta⁴-le⁴ Cristo. C⁷oa⁴-ti⁴ ti⁴ncha³cao⁴³ to⁴jme³ cjoa⁴-ni³ xi³ coan⁴chjen¹-le⁴. Je² ni¹ a³li² to⁴c⁷oa⁴²cji³ ncjin² cho⁴ta⁴ tsa³ca³sen¹cao⁴, c⁷oa⁴-ti⁴ an³vi⁴je⁴.

3 Ti⁴ti²⁷ntao³ je² Priscila c⁷oa⁴ cao⁴ Aquila je² x⁷in⁴-le⁴, xi³ to⁴ñña³tjen⁴ si¹xa¹cao⁴-na³ t⁷a³ts⁷e⁴ Cristo Jesús,

4 (xi³ me³qui³ti³sin³ t⁷a³ts⁷an⁴. A³li² to⁴an³-jin² tsjoa³-le⁴ cjoa⁴nta³, to⁴nca³ c⁷oa⁴-ti⁴ nca³ts⁷i³ cho⁴ta⁴ xi³ li² judío-jin² xi³ cho⁴ta⁴-le⁴ Cristo.)

5 C⁷oa⁴-ti⁴s⁷in² ti⁴ti²⁷ntao³ je² cho⁴ta⁴-le⁴ Cristo xi³ ma³ña³ ya⁴ nt⁷ia³-le⁴. Ti⁴ti²⁷ntao³ je² Epeneto, xi³ tsjoa³que⁴, je² xi³ ti¹tjon² coan³cjain¹-le⁴ t⁷a³ts⁷e⁴ Cristo ya⁴ Acaia.

6 Ti⁴ti²⁷ntao³ je² María xi³ n⁷ion¹ nta³ qui³si³xa¹ t⁷a³tsaon⁴³.

7 Ti⁴ti²⁷ntao³ je² Andrónico c⁷oa⁴ cao⁴ Junias, xi³ xi²nquia⁴ xi³ ñña³tjen⁴ tsa³qui³yo³yai³-jin⁴ nto⁴ya¹, je² xi³ nta³ ya³-le⁴ ya⁴jin³-le⁴ pa²stro⁴-ve⁴, jñña³-le⁴ xi³ nqui²sa⁴ ti¹tjon² tsa³ca³tio²t⁷a³-le⁴ Cristo cao⁴-ni³ tsa² an³.

8 Ti⁴ti²⁷ntao³ je² Amplias, xi³ tsjoa³que⁴ an³ xi³ t⁷a³ts⁷e⁴ je² Nai³-na¹.

9 Ti⁴ti²⁷ntao³ je² Urbano xi³ ñña³tjen⁴ si¹xa¹cao⁴-na¹ t⁷a³-ts⁷e⁴ Cristo Jesús, cao⁴ Estaquis, xi³ tsjoa³que⁴ an³.

10 Ti⁴ti²⁷ntao³ je² Apeles, xi³ nta³ ji³tjo³ t⁷a³ts⁷e⁴ Cristo. Ti⁴ti²⁷ntao³ je² xi¹ncjin¹ Aristóbulo.

11 Ti⁴ti²ntao³ je² Herodión, xi³ xi²nquia⁴.
 Ti⁴ti²ntao³ je² xi¹ncjin¹ Narciso, xi³ tgio¹cao⁴ Nai³-na¹.

12 Ti⁴ti²ntao³ je² Trifena, cao⁴ je² Trifosa, jñā³-le⁴ xi³ n²ion¹ si¹xa¹ t²a³ts²e⁴ Nai³-na¹. Ti⁴ti²ntao³ je² Pérsida xi³ tsjoa³que⁴, je² xi³ cjai¹nca³ n²ion¹ qui³si³xa¹ t²a³ts²e⁴ Nai³-na¹.

13 Ti⁴ti²ntao³ Rufo, xi³ Nai³-na¹ tsa³cja³a¹jin³, c²oa⁴ cao⁴ na⁴-le⁴ xi³ c²oa⁴-ti⁴ na⁴-na⁴.

14 Ti⁴ti²ntao³ je² Asíncrito, cao⁴ Flegonte, cao⁴ Hermas, cao⁴ Patrobas, cao⁴ Hermes, c²oa⁴ cao⁴ je² nts²e³ xi³ tgio¹cao⁴ nca³ je².

15 Ti⁴ti²ntao³ je² Filólogo, cao⁴ Julia, cao⁴ Nereo, cao⁴ nti³chja³, cao⁴ Olimpas, cao⁴ nca³ts²i³ cho⁴ta⁴-le⁴ Cristo xi³ tgio¹cao⁴ nca³ je².

16 Ti⁴ti²ntao³ xi²nquio⁴ nca³ tsje³ t²e²t²a³ts²oa³-lao⁴ xi²-nquio⁴. Nca³ts²i³ cho⁴ta⁴-le⁴ Cristo si¹ti²nta³-no³.

17 C²oa⁴ v²e³ts²oa²³-no³ nts²e³, nca³ cho¹son²-ni³lao⁴ je² xi³ si¹jao²ya³ xi¹ncjin¹, xi³ si¹ca³jnqui³ je¹ xi¹ncjin¹, co²ntran⁴-le⁴ je² cjoa⁴fa³ai³tsjen³ xi³ qui³cho²t²a³yao³ nca³ jon². Chja⁴a²xin²-lao⁴ yao³-no³ nca³ je².

18 Je² cho⁴ta⁴ xi³ c²oa⁴cjoan³ a³li²coi³ Nai³-na¹ Jesucristo si¹xa¹t²a³-le⁴ jo³-ni³ cho⁴nta³, to⁴nca³ to⁴yao³-le⁴ si¹xa¹ntjai². Cjai¹ ntsjen¹ en¹ xi³ nchja⁴, c²oa⁴ cjai¹nca³ ma³-le⁴ nchja⁴. C²oa⁴-s²in² v²a³na⁴cha⁴-le⁴ ni⁴ma⁴-le⁴ xi³ tsi²coi³ ve³.

19 Nca⁴ jo³-s²in² nca³ ni²tjo³son²³ jon²-vi⁴, cjai¹nca³ n²ion¹ nta³ ya³-le⁴ nca³ts²i³. Coi³ nca³ c²oa⁴-s²in² ma³, tsjoa³-na³ xi³ t²a³tsaon⁴, to⁴nca³ me³-na³ nca³ chji⁴ne⁴ coaon⁴ t²a³ts²e⁴ xi³ nta³ tjin¹,

to⁴nca³ nca³ ña³qui³ tsje³ coaon⁴³ t⁷a³ts⁷e⁴ xi³ ch⁷ao³ tjin¹.

20 C⁷oa⁴ je² Ni³na¹ xi³ si¹qui³njen³nch⁷an¹jin³-na¹ si⁴2xcoa⁴nti⁴ton⁴ Satanás ya⁴ nqui³ntso⁴co⁴ nca³ jon²-vi⁴. Je² cjoa⁴nta³-le⁴ Nai³-na¹ Jesucristo ca²ta³s⁷e³-no³.

21 Si¹ti²?nta³-no³ Timoteo xi³ ña³tjen⁴ ni²xai¹⁴-jin⁴, cao⁴ Lucio, cao⁴ Jasón, cao⁴ Sosípater, xi³ xi²nquia⁴.

22 An³ xi³ Tercio ?mi²-na³, xi³ qui³squia³ je² xon⁴-vi⁴, si³ti²?nta³-no³ t⁷a³ts⁷e⁴ Nai³-na¹.

23 Si¹ti²?nta³-no³ Gayo xi³ si¹sin³-na³ i⁴ nt⁷ia³-le⁴vi⁴, xi³ c⁷oa⁴-ti⁴ si¹sin³-le⁴ nca³ts⁷i³ xi³ cho⁴ta⁴-le⁴ Cristo. Si¹ti²?nta³-no³ Erasto xi³ si¹coi²nta⁴ taon⁴ xi³ ts⁷e⁴ na⁴xi⁴na³nta¹-vi⁴, c⁷oa⁴ cao⁴ je² nts⁷e³ Cuarto.

24 Je² cjoa⁴nta³-le⁴ Nai³-na¹ Jesucristo ca²ta³s⁷e³-no³ nca³ts⁷io³.

25 Ca²ta³vi³tjo³je³ya³ Ni³na¹ xi³ tjin¹-le⁴ nca³n⁷ion¹ nca³ si⁴2n⁷ion¹jin³-no³ jo³ tso² en¹nta³ xi³ y²a³, jo³-s²in² nca³ nchja²ya³jin³-nia³ t⁷a³ts⁷e⁴ Jesucristo, jo³-s²in² nca³ coan³tsen³ je² cjoa⁴ma³-ve⁴ xi³ tsa³c⁷e²jna³tjao²ma³ sa³?nta³ ni⁴čhjin³ coa²tse³.

26 To⁴nca³ je³ti¹jna³son²tsen³ nt⁷ai⁴-vi⁴. To⁴t⁷a³ts⁷e⁴ xon⁴ Escrituras xi³ qui³squi³ je² cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹, jo³ tso² cjoa⁴te¹xo³ma³-le⁴ Ni³na¹ xi³ ti¹jna³ntsjai², je³tsa³c⁷in²ya³-le⁴ nca³ts⁷i³ na⁴xi⁴na³nta¹ nca³ qui³jnta² son³?nte³, jme¹-ni³ nca³ si⁴2tjo³son²-si¹ni³le⁴ nca³ coan⁴cjain¹-le⁴.

27 Je² xi³ to⁴jnco³ Ni³na¹ xi³ tjin¹-le⁴ cjoa⁴i³sen³ta³con² ca²ta³vi³tjo³je³ya³ xi³ to⁴t⁷a³ts⁷e⁴ Cristo nca³ntsjai² ni⁴čhjin³. C⁷oa⁴ ca²ta³ma³.

**Xon⁴-le⁴ ni³na¹ xi³ t?a³ts?e⁴ Jesucristo
New Testament in Mazatec, Huautla
(MX:mau:Mazatec, Huautla)**

copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

lix

2014-04-30

PDF generated using Haiola and XeLaTeX on 26 Jul 2025 from source files
dated 29 Jan 2022

69c7ee6e-d3c3-563f-a672-6ad58122d8ed